


四庫全書考證

一一





證考書全庫四

(二十)

輯纂等岳太王

四庫全書考證卷二十八

史部

五代史

宋史



五代史 宋歐陽修撰

目錄

徐無黨總注劉晏已稱漢而劉晏又稱漢刊本襲訛襲據南漢世家改

卷一

梁本紀大順二年十一月曹州將郭紹賓殺其刺史郭饒來降案新唐書昭宗紀曹州將郭銖殺其刺史郭詞朱宣傳同又案宣傳宣復取曹以郭詞爲刺史此脫去宣復取曹一節則前此全忠已陷曹州此時不得復言來降矣又景福元年冬友裕取濮州案前于光啓三年言取濮州以後不言復失合之新唐書朱宣傳則當在宣取曹州時又光化元年七月攻匡凝取其泌隨鄧三州注朱全忠徙治泌陽表更名泌州刊本名訛乞據新唐書地理志改

卷一

開平二年三月匡國軍節度使劉知俊爲潞州行營招討使案職方考同州唐匡國梁改忠武後唐復曰匡國劉知俊傳從破青州表匡國軍節度使康懷英傳李思安討潞無功以同州劉知俊爲招討使則當知俊初鎮同州時在唐方爲匡國故傳可云匡國新唐書帝紀亦稱天祐三年匡國軍節度使劉知俊陷坊州而此爲潞州行營招討自宜改稱忠武不得尙云匡國也下爲西路行營招討正書忠武軍

節度使得之矣。

又劉知俊及岐人戰於漠谷案劉知俊傳漠作幕新唐書朱泚傳亦作漠。

四年八月護國軍節度使楊師厚爲西路行營招討使以伐岐案師厚傳無徙鎮河中事况此時朱友謙在河中未有逆萌師厚無由爲護國節度使也此護國當是鎮國之訛。

乾化元年正月天雄軍節度使楊師厚爲北面行營招討使案本傳師厚爲山南東道節度使以克劉知俊功遷保義又徙宣義已而從太祖擊趙明年留屯魏州明年師厚遂節度使羅周翰友珪因以師厚爲天雄節度使羅宏信傳亦云子周翰乾化二年爲楊師厚所逐計師厚遷保義宣義當在開平四年其屯魏州在乾化元年此時羅周翰尚在師厚不得稱天雄節度使也此誤。

二年五月丁亥刊本五訛三據毛本改。

卷三

貞明二年秋七月安國軍節度使閻寶叛附于晉案職方考邢州梁爲保義軍莊宗改曰安國此安國軍當作保義軍又九月橫海軍節度使戴思遠奔于京師案唐書方鎮表太和五年齊德滄節度賜號義昌軍節度通鑑乾化二年改義昌爲順化軍此橫海軍當作順化軍

卷四

唐本紀光啓元年徙重榮兗州案舊唐書王重榮傳新唐書沙陀傳俱作徙重榮于易定又大順元年以濬爲太原四面行營兵馬都統韓建爲副使案新唐書沙陀傳張濬爲兵馬招討制置宣慰使京兆

尹孫揆副之韓建爲行營馬步都虞侯兼供軍糧料使新舊唐書昭宗紀張濬傳及新書忠義傳並同此誤

又天復元年四月葛從周入土門刊本土訛上據舊唐書昭宗紀改

### 卷六

長興四年春正月劉昫爲中書侍郎案昫傳事在長興三年又十一月侍衛親軍都指揮使康義誠刊本義訛意據本傳改

### 卷七

清泰二年夏五月辛卯案是年正月丙申朔二月丙寅朔則五月不得有辛卯通鑑作四月辛卯者得之三年夏五月乙卯案下有戊申己酉壬子等日則五月中不得先有乙卯通鑑作丙午者得之

### 卷八

晉本紀天福元年十一月以幽、涿、薊、檀、順、瀛、莫、朔、雲、應、新、媯、儒、武、寰州入于契丹刊本莫訛漠據文獻通考改後並同

三年秋七月安州屯防指揮使王暉殺其節度使周瓌刊本瓌訛環據李金全傳改

### 卷九

天福八年十一月高麗使其廣評侍郎金仁逢來刊本評訛平據毛本及高麗附錄改

開運二年春正月契丹陷秦州三月馬全節克秦州案五代會要唐天成三年升奉化軍爲秦州以清苑縣爲理所晉開運二年移治滿城縣周廣順二年廢州其滿城縣割隸易州馬全節傳遼史太宗紀俱作泰州此秦字並當是泰字之誤杜重威李守貞張彥澤傳並同

卷十一

周本紀乾祐元年三月調五縣丁二萬人築連壘刊本丁訛下今改又於是加貞固司空逢吉司徒案漢紀天福十二年貞固已守司空宋史竇貞固傳同又云隱帝卽位加司徒蘇逢吉傳乾祐二年加拜司空不言又加司徒通鑑作加貞固司徒逢吉司空者得之

卷十二

世宗本姓柴氏邢州龍岡人也案周家人傳太祖后柴氏邢州堯山人與太祖同里宋史張永德傳柴后父稱魏人柴翁語各異

顯德三年十一月殺李景之臣孫晟注蓋已深罪周殺忠臣則晟之死節自著刊本晟訛成據毛本改六年五月封子宗訓爲梁王宗誼燕國公案周家人傳宗誼作宗讓考世宗長子宜哥爲漢誅太祖卽位詔賜名誼則此當以作讓爲正

考證是敗唐人于淮上非正陽也案通鑑注淮水西岸謂之西正陽東岸謂之東正陽是正陽卽淮上也通鑑明言重進渡淮逆戰于正陽東綱目特省于正陽東四字正謂正陽之卽淮上耳至紀與世家不

言斬將事亦臨文偶略非與綱目有異也

### 卷十三

梁太祖母王氏傳單州單父人也案職方考單州唐末以宋州之碭山置輝州已而徙治單父後唐改輝州爲單州此單父若據唐言當稱宋州據梁言當稱輝州不得據後唐稱單州也後元貞皇后傳單州碭山縣同誤

太祖元貞皇后傳天福元年案福字當是復字或祐字之誤

博王友文傳拜韓勣忠武軍節度使案牛存節傳遷匡國軍節度使末帝立徙鎮天平考職方考許州唐故曰忠武梁改匡國同州唐故曰匡國梁改忠武此時牛存節實在同州則韓勣當是鎮許州也此忠武軍應作匡國軍

### 卷十四

莊宗神閔敬皇后傳同光二年四月己卯案本紀作二月癸未

太祖子傳存霸歷昭義天平河中三軍節度使案職方考潞州唐故曰昭義梁曰匡義唐改安義此昭義當作安義餘倣此

莊宗五子傳郭崇韜爲都招討使刊本崇訛從今改又十月己酉繼岌至綿州案通鑑作十一月己酉此脫一字又自出師至降衍凡七十五日案通鑑考異曰唐軍九月戊申離洛城十一月丁巳入成

都止七十日此仍舊五代史之訛。

卷十五

明宗四子傳從璟賜名繼璟刊本繼訛從據通鑑改。  
秦王從榮傳十一月戊子雪案本紀作十月壬申。

卷十七

高祖皇后李氏傳得地五十餘頃刊本十訛千據通鑑改。

卷十八

高祖二弟三子傳以都押衙廷美刊本此下廷字或作延及庭及定係宋人避諱所改今俱改正。

卷二十

柴守禮傳是時王溥王晏刊本王晏訛汪晏據宋史改。  
世宗子傳次二皆未名刊本二訛三據毛本改。

卷二十一

龐師古傳淮南決河上流水至矣案南毛本作人。  
霍存傳不若遣兵邀之案兵毛本作存。

卷二十二

康懷英傳以懷英爲保義軍節度使案職方考陝州梁曰鎮國唐曰保義梁之保義在邢州王檀傳太祖卽位遷保義軍節度使力戰全邢州友珪立徙宣化本紀于開平三年先書保義節度使王檀爲潞州招討使繼書鎮國軍節度使康懷英伐岐亦可見命將致討各就近鎮此傳之保義當依紀作鎮國固在陝而不在邢也

牛存節傳乃遷存節匡國軍節度使案高萬興傳劉知俊叛徙牛存節守同州此匡國軍當作忠武軍

### 卷二十三

楊師厚傳以功遷保義軍節度使案邢州在梁爲保義此時王檀在邢師厚無由亦遷邢也考梁陝州鎮國軍唐故曰保義後唐亦曰保義史家往往從其恒稱不及更定故康懷英傳稱懷英爲保義節度使  
討劉知俊而本紀仍稱鎮國節度使康懷英伐岐此當是懷英敗後師厚繼爲節度招討俱在陝而不  
在邢也本紀於開平四年稱護國軍節度使楊師厚爲西路行營招討使益以見護國爲鎮國之訛而  
此之保義自當定爲鎮國矣通鑑于開平四年屢書鎮國軍節度使楊師厚又云楊師厚還陝得之

賀瓌傳貝衛洛磁諸州皆入于晉案職方考磁州梁曰惠州唐復曰磁州此磁字當作惠

### 卷二十四

郭崇韜傳乃遣崇韜與毛璋將數千人夜行刊木璋訛彰今改

### 卷二十五

西方鄭傳定州滿城人也案新舊唐書地理志滿城屬易州。

卷二十六

符習傳明宗乃以房知溫代習鎮平盧拜公儼登州刺史公儼不時承命知溫擒而殺之案本紀天成元年八月平盧軍節度使霍彥威殺其登州刺史王公儼霍彥威傳明宗卽位彥威徙鎮平盧天成三年卒于鎮考本紀天成三年三月王建立爲尙書右僕射十一月罷王建立傳爲右僕射出爲平盧節度使又徙上黨王晏球傳天成三年王都反明年克之以功拜天平節度使又徙平盧是歲卒房知溫傳天成元年拜泰寧軍節度使明年爲北面招討使屯于盧臺効節軍亂知溫以騎軍盡殺亂者徙鎮武寧歷天平平盧通鑑于霍彥威之卒係之天成三年十一月明是彥威卒于青建立代之建立去後晏球以天平徙鎮而知溫又承晏球之後也蓋知溫無再鎮平盧事傳稱治青州天福元年卒于官宋官顏衍傳亦云晉祖入洛知溫善終知溫固無由先霍王諸人而在平盧也然則殺王公儼者霍彥威也此云房知溫乃因盧臺誅亂事相類而誤耳

孔謙傳晉與梁相拒河上十餘年案魏博入晉在梁貞明元年距梁亡首尾僅九年此云十餘年誤卷三十八張承業傳同又鄭北都也案帝紀同光元年以魏州爲東京鎮州爲北都此以北都稱鄭誤下留守北都同

李光矩傳光業私以書示樞密承旨李虔徽刊本徽訛微據通鑑改

卷二十七

劉延朗傳愍帝卽位徙廢帝爲北京留守刊本守訛中據明監本改又遣審虔將千騎至白司馬坂刊本坂訛坡案唐書酷吏傳洛陽有白司馬坂通鑑于此正作坂注在洛陽北今據改

卷二十八

張憲傳憲出奔沂州案沂州疑當作忻州

卷三十

蘇逢吉傳筠快快以其橐裝之半獻之刊本橐訛橐今改

史弘肇傳乾祐三年冬十月十三日案本紀作十一月丙子是年十二月甲午朔則十一月十三日正當丙子此脫一字

卷三十一

王朴傳選文學之士徐台符等二十人刊本人訛八據毛本改

卷三十二

王彥章傳鄆州壽張人也刊本張訛昌據唐書地理志改

卷三十三

張源德傳梁貞明三年魏博節度使楊師厚卒案梁紀貞明元年天雄附于晉次年劉鄩敗于故元城晉

遂取衛州又克貝州唐紀及賀德倫傳並同此三年當是元年之誤。

王思同傳是時吐蕃數爲寇而秦州無亭障刊本秦訛泰據職方考改。

張敬達傳徙鎮武信晉昌案通鑑注明宗置武信軍于遂寧爲孟知祥所陷晉始改長安爲晉昌軍通鑑前書敬達自建雄節度代敬瑭建雄軍晉州也歐史誤以爲晉昌又不知武信緣何而誤考通鑑前書武寧節度使張敬達屯代州而本傳不言鎮武寧疑武信當是武寧之誤本紀亦書建雄軍節度使張敬達爲太原四面都招討使則顯以晉州誤晉昌也又旌旗相屬五十餘里刊本十訛千據通鑑改王清傳開運二年冬從杜重威戰陽城案本紀杜重威戰陽城在是年三月此誤又是冬重威軍中渡橋南案本紀及杜重威皇甫遇張彥澤等傳重威軍中渡俱在開運三年此誤。

卷三十五

唐六臣傳序彗星出西北掃文昌軒轅天市刊本天訛太據毛本改。

卷三十六

李嗣昭傳汾州太谷縣民家子也案唐宋地理志太谷縣俱屬并州此誤又天祐三年案本紀克用謂天祐非唐號不可稱乃仍稱天復則是年當稱天復七年又莊宗爲契丹圍之數十重刊本重訛里今改。

卷三十九

王鎔傳。景福元年，乃大舉擊趙下臨城。案唐本紀，晉取臨城在大順二年。其明年晉會王處存攻鎔，乃爲景福元年。舊唐書昭宗紀王鎔傳並同此誤。又明年會莊宗於承天軍。案唐本紀，天祐八年正月敗梁軍于柏鄉。七月會趙王王鎔于承天軍。梁本紀亦書乾化元年正月王景臣及晉人戰於柏鄉。蓋乾化元年卽開平四年之明年，而晉之天祐八年也。此誤。

劉守光傳。遣其子守文襲滄州。刊本州訛洲今改。又自祈溝入其檀、涿、武、順諸州。刊本檀訛濱據通鑑改。

### 卷四十

李仁福傳。有拓拔思敬者爲夏州偏將。後以與破黃巢功賜姓李氏。案後山談叢五代史。拓拔思恭思敬兄弟也。而誤作一人。考新舊唐書宋史及通鑑。與破黃巢者俱作拓拔思恭。或作李思恭。通鑑于乾寧元年三月書保大節度使李思孝薦弟思敬自代。九月保大留後李思敬爲節度使。前蜀世家有武定節度使拓拔思敬。新唐書昭宗紀作思恭。而通鑑亦作思敬。此李仁福傳思敬卒而思諫立。已當乾寧二年。則不應至乾寧三年。及天復二年。而思敬尙在鄆州與洋州也。蓋鎮保大鎮武定者爲思敬。而破黃巢者自爲思恭也。

韓遜傳。洙卒。卽以洙子澄爲朔方軍留後。案康福傳作韓洙弟澄。與此異。

高萬興傳。是時周密爲彰信軍節度使。案劉景巖傳。周密鎮延州職方考。延州唐曰張武。此信字當是武。

字之訛。

溫韜傳。遂徙忠武案許州自梁言之當爲匡國此誤。

卷四十一

盧光稠傳。開平五年。光稠病案開平五年卽乾化元年。是年五月改元。然據通鑑。盧光稠卒于開平四年。此五字誤。

卷四十二

王師範傳。語其僕劉鄆曰。刊本鄆訛剥。今改下同。

李罕之傳。已而孫儒陷河陽。刊本河訛洛。今改。

孟方立傳。軍于滻水之西案元和郡縣志磁州理滻陽。以在滻水之陽故曰滻陽。此滻字當是澇字之誤。

卷四十四

丁會傳。光啓四年東都張全義襲破河陽案光啓四年卽文德元年是以二月改元而張全義襲河陽在四月乙亥則不仍稱光啓也此誤。

康延孝傳。吾懸軍千里入人之國。刊本懸訛遠據通鑑改。

卷四十五

張全義傳。明年十一月莊宗幸洛陽案本紀同光元年十一月甲子如洛京二年二月己巳朔有事於南

郊此明年二字誤。

袁象先傳在宋州十餘年案象先貞明四年爲平盧節度使徙宣武莊宗滅梁象先來朝洛陽是歲卒謂象先卽以貞明四年徙宣武而下距同光元年亦祇九年此誤。

朱漢賓傳歷磁滑亳曹五州刺史案磁當作惠

卷四十六

霍彥威傳徙鎮義成案職方考滑州唐故曰義成以避梁王父諱改曰宣義此當作宣義。

王建立傳居歲餘自言不識文字願解三司案本紀天成三年三月成德軍節度使王建立爲尚書右僕射十一月罷通鑑天成三年十一月甲午王建立充平盧節度使然則建立卽以入相之年出鎮也此誤。

郭延魯傳父子特以善政著聞焉刊本脫政字聞字據毛本增

卷四十八

盧文進傳文進以先降拜壽州刺史案馬氏南唐書壽州作蔚州

李金全傳天成中爲彰武軍節度使案職方考延州彰武涇州彰義此彰武當作彰義。

王周傳歷遷武勝保義義武成德四鎮案晉改成德軍爲順德軍鎮州爲恒州史多以舊軍州名書之餘倣此

卷四十九

孫方諫傳。莫州清苑人也。刊本莫訛鄭案新唐書地理志。莫州本鄭州。開元十三年以鄭鄭文相類更名。今據改。

卷五十一

董璋傳。長興元年九月知祥攻陷遂州。璋攻陷閬州。案唐紀長興元年十月乙巳董璋陷閬州。二年四月甲寅董璋陷遂州。通鑑據後蜀世家于璋陷閬州。書元年九月庚辰李仁罕陷遂州。書二年正月庚午語各異。

卷五十四

馮道傳。道相明宗十餘年。案明宗在位僅八年。此誤。

李愚傳。渤海無棣人也。案舊唐書地理志。滄州渤海郡。天寶元年改爲景城郡。乾元元年復爲滄州。此渤海當作滄州。并不得作景城也。

卷五十六

和凝傳。梁義成軍節度使賀瓌辟爲從事。案滑州在梁爲宣義。此義成軍當作宣義軍。

呂琦傳。父堯爲橫海軍節度使判官。案橫海軍當作義昌軍。下同。

卷五十七

王延傳莫州長豐人也刊本莫訛鄭據唐書地理志改

## 卷六十

職方考譜定州梁義武刊本武訛成今改

潞州梁末帝時改曰匡義歲餘唐滅梁改曰安義案唐紀同光元年三月潞州附于梁十月滅梁義兒傳居數月莊宗滅梁此云歲餘者誤

## 卷六十一

吳世家梁兵攻青州王師範來求救刊本師訛思據毛本改又鄂州劉存岳州陳知新以舟師伐楚敗於瀏陽刊本瀏訛劉據楚世家改

## 卷六十二

南唐世家李煜封弟從善韓王從益鄭王案徐鼎臣騎省集有太尉中書今鄭王從善詩又有鄭王加元帥江寧尹制詞又馬氏南唐書作鄧王從益紀傳並同後主亦有送鄧王二十弟從益詩陸氏書亦作鄧王而益作鑑又注滅王氏割淮南自各差一年爾刊本一訛二今改

## 卷六十三

前蜀世家逐節度使牛叢自稱留後案舊唐書僖宗紀作牛蔚新唐紀作牛勗考叢與蔚俱牛僧孺子而勗則無聞新舊書叢傳不言鎮興元蔚傳惟言爲山南西道節度使以吳行魯代還又不言爲鹿晏宏

所逐也。通鑑從新紀作勗。又昭宗遣左諫議大夫李珣爲兩川宣諭和協使。案舊唐書僖宗紀。光啓四年。陳敬瑄告難于朝。詔中使諭之。則是僖宗而非昭宗也。本傳此下方紀文德元年。此當因下昭宗遺諱。議大夫李洵宣諭兩川之文而又訛洵爲珣也。

傳論。予讀蜀書刊本脫書字。又世所謂王者之嘉瑞。刊本世下衍道字。並據監本增刪。

卷六十五

南漢世家。末帝卽位。悉以隱官爵授襲。襲封南海王。案襲封當是襲封之訛。又案梁紀。末帝卽位。復稱乾元三年。此先言三年。後言卽位。誤也。又鋟遣李托守韶州。是歲十月。潘美平韶州。鋟喜曰。韶桂連賀。本屬湖南。今北師取之足矣。案此下又有十二月平韶州之文。考宋史。南漢世家作十月昭州陷。十二月韶州陷。潘美傳同。此守韶、平韶、韶桂三韶字俱係昭字之訛。

卷六十六

楚世家。周行逢傳。顯德元年。拜行逢武清軍節度使。案東都事略。世宗授行逢武平軍節度使。宋史湖南世家。授行逢朗州大都督。武平軍節度使。此清字當是平字之訛。又夫人嚴氏諫曰。案通鑑作夫人鄧氏。東都事略同。宋史又作潘氏。

卷六十七

吳越世家。拜鏗鎮海鎮東軍節度使。案舊唐書昭宗紀。此事在乾寧三年秋八月。通鑑作冬十月。輟耕錄

錢氏鐵券詞。乾寧四年八月甲辰朔四日丁未云云。史稱乾寧三年秋九月以鏗爲鎮海鎮東節度使。而券詞乃四年八月何也。又本傳後注。蓋自唐乾寧二年爲鎮海鎮東軍節度使。案錢鏗跨有浙東西。則或云乾寧三年。或云四年。而鏘之初鎮鎮海據舊唐書昭宗紀。則又在景福二年。語亦不符。

### 卷六十八

閩世家王淡唐相溥之子。案馬氏南唐書淡作倓。此後延義世家中有叔相王倓。此淡字當是倓字之誤。

### 卷六十九

南平世家季興因請夔忠等州爲屬郡。刊本屬訛。蜀據毛本改。

### 卷七十一

十國世家年譜序稱寶正六年辛卯。則知其嘗改元矣。案容齋四筆。錢武肅三改元。有天寶。寶大。寶正三名。歐陽公偶遺之耳。

### 卷七十二

四夷附錄每歲秋霜落。則燒其野草。刊本草訛花。據毛本改。又關東臨海北有兔耳覆舟山。刊本舟訛丹。今改。

### 卷七十四

吐蕃附錄乃奏起師厚左爲衛將軍。已而拜河西節度使。刊本河西二字互倒。今改。

宋史 元托克托等修

卷四

太宗紀三年禽縛飛雄案之盡得其狀刊本其訛共據監本改。

四年命太子中允張洎著作佐郎句中正使高麗刊本句訛句據文苑傳改。

雍熙三年執其刺史趙彥章彥章以城降刊本章除並訛辛又脫下彥字並據續通鑑綱目改增。

卷六

真宗紀咸平四年宴射於含芳園刊本芳訛方今改。

卷八

大中祥符四年韓國吳國隋國長公主刊本公主二字互倒今改 又河決通利軍刊本脫河字據續通鑑綱目增。

卷九

仁宗紀天聖六年有星大如斗自北流至西南刊本自訛月據天文志改。

卷十六

神宗紀元豐六年鄭國公富弼刊本鄭訛韓據富弼傳改。

卷二十二

徽宗紀贊。況宣政之爲宋承熙豐紹聖極喪之餘案。宣政蓋指政和宣和而言。考漢唐以來每舉一帝年號。俱兩字全書。自鄭榮稱開元天寶爲開天。而宋之熙寧元豐遂稱熙豐。因有稱政和宣和爲政和者。此云宣政。則更是顛倒其文。尤無義例。但各本皆同。姑仍其舊。

卷二十五

高宗紀。建炎二年。斬賽詣劉光世降。刊本光世二字互倒。今改。

卷二十九

紹興十年。鄭剛中刊本鄭訛陳據列傳改。

卷四十二

理宗紀。淳祐二年以孟珙爲檢校少保。刊本珙訛琪。據列傳改。

卷四十四

寶祐三年。洪天錫効內官盧允升。刊本升訛叔。據宋史新編改。

四年。監察御史朱熠言境土蹙而賦斂日繁。刊本熠訛先。據列傳改。

卷四十六

度宗紀。詔立爲皇子。刊本皇下衍太字。據下文立爲皇太子刪。

卷四十七

瀛國公紀咸淳七年刊本七訛六與下文年四歲不合據度宗本紀改。

卷四十九

天文志樞星在天心刊本星訛心據監本改。

卷五十二

辰星色黑刊本辰訛歲據監本改。

卷五十三

淳化元年刊本元訛九據下文改。

辛亥犯東井東北第三星刊本辛訛巳據上文改 又庚午犯畢案上文乙卯下文四月丁卯中間並無

庚午此誤。

卷五十四

八月乙未入氐辛丑入井刊本乙未辛丑互倒今改。

卷五十

律歷志且朱梁不預正統者刊本朱訛宋今改。

卷七十五

月平行十三度注約分三千六百八十七刊本七下衍千字今刪

卷七十六

一百三十三日四分刊本脫分子今增

卷八十二

上不違於天時下不乖於人事刊本下訛上今改

卷八十三

春分損注三十一刊本複衍一字據監本刪

卷八十四

望度注開禧秒九十成天秒八十七刊本脫成字今增

卷八十七

地理志同波堡注北至膚口城一十五里刊本里訛界今改

卷九十二

河渠志斷御河漕運刊本運訛遭據監本改

卷九十三

監丞鄭祐刊本鄭祐訛郭祐又乃以商英爲龍圖閣待制刊本英訛吳並據前後文改

卷一百一

禮志籍田令三皆位司農卿南刊本令訛合據監本改。

卷一百四

參知政事馮拯爲儀仗使刊本馮訛馬據宰輔表改。

卷一百五

伯魚母亓官氏刊本亓訛升據家語改。

卷一百六

於是請奉僖祖神主爲始祖刊本始訛從據前後文改。

卷一百七

不廢時祭之禴刊本禴訛初據孔氏正義改。

卷一百八

詔所上食味委宮闈令改造訛刊本闈訛闈據監本改。

皇曾祖母桑氏刊本曾訛尊據監本改 又紹熙二年刊本熙訛興據本紀改。

卷一百九

追冊越國夫人苻氏爲懿德皇后尹氏爲淑德皇后並祔后廟刊本祔訛符 又先帝以孝章配享太宗

又先帝以孝章配享太宗

及明德園陵刊本園訛元並據監本改。

廟成名神御殿曰徽音刊本曰訛元。又元豐中刊本元訛曰並據監本改。

卷一百十一

次引使副就橫街南承制位北向東上刊本向訛自據監本改。

卷一百十二

皇帝起居如宮中儀刊本如訛知今改。

卷一百十六

常朝之儀唐以宣政爲前殿刊本常訛當據監本改。

四色官應疇急趨刊本官訛言今改。

次內殿當直諸班注散指揮刊本指揮訛旨爲據職官志改。

卷一百十九

次通事及舍人引舍利以下分班入刊本利訛人據監本改。

卷一百二十

充玉清昭應宮使刊本昭訛招今改。

卷一百二十四

是廢聖人之法而徇唐庸有司之議也。刊本廢訛非據監本改。

卷一百二十六

樂志乃詔翰林學士李宗諤權刊太常寺刊本寺訛侍據監本改。設四散鼓於縣間擊之以代建鼓案周監本作別並與此異。

卷一百二十七

取音靡曼近於鄭聲刊本鄭訛正據監本改。

卷一百二十八

鐘聲皆三十有六架架各十有六刊本下十字訛有據南監本改。

又禁中又出李照胡瑗所鑄鐘律案。

鐘監本作銅。

卷一百三十一

今既親詣室裸刊本親訛請據監本改。

卷一百三十二

洗心防邪肅祇祭典刊本脫典字據監本增。

北郊迎冬乃歲祀事刊本歲訛藏據南監本改。

卷一百三十三

朝日夕月刊本夕訛冬今改。

必先皇祇以迓景福刊本皇訛星據監本改。

卷一百三十四

太宗室酌獻大定刊本宗訛祖據前後文改。

致力於神明信咸通刊本信咸二字互倒據監本改。

黼幄蟬蜎旛旂寧燕刊本寧燕二字互倒據南監本改。

來貳鸞觴刊本鸞訛鸞據南監本改。

卷一百三十五

歲逢有年月旅無射刊本射訛祔據監本改。

卷一百三十六

祀嶽鎮海瀆刊本瀆訛濱今改。

卷一百三十八

降坐隆安刊本降訛隆據監本改。

卷一百四十

告廟導引刊本廟訛朝據監本改。

卷一百四十六

儀衛志。牒稍八注。執各一人。刊本執各二字互倒。據監本改。

卷一百五十五

選舉志。然自祖宗以來莫之廢者。刊本然訛終。據通考改。

卷一百五十六

以陝西舉人久陷北境。刊本陷訛蹈據通考改。

因差遣例除一路也。刊本除訛降據通考改。

卷一百五十七

爾雅博雅。刊本博訛大據通考改。

卷一百十八

並轉太祝奉禮郎。刊本郎訛部據上下文改。

卷一百六十

朕昔爲元帥時。刊本朕訛族案。本紀高宗嘗爲天下兵馬元帥。今據改。

卷一百六十一

職官志。燕王僕。刊本僕訛侯。據宗室傳改。又乃以平章軍國事爲名。蓋省重本則所預者廣。刊本字訛。

事案前文或稱平章軍國重事此以平章軍國事爲名故云省重字今據改開拆制敕御史注元豐六年都司置御史房主行彈糾御史案察失職刊本誤作正文今據監本改

卷一百六十三

凡文武官綾紙五種分十二等注左右僕射使相王用之刊本王訛爲據監本改右曹令侍郎專領尚書不與刊本缺令字據監本補

卷一百六十四

殿中省刊本殿中訛中書案中書省與門下省並立是爲兩省已見前卷此處不應複出今據後文改

卷一百六十五

軍器監刊本器訛參據監本改

乞改爲國子監書庫官刊本改訛下據監本改

卷一百六十六

副都指揮使都虞侯以刺史以上充刊本刺訛勅據通考改

可冠以軍名改爲承宣使刊本冠訛觀據通考改

卷一百六十七

參謀參議並以從官充刊本以訛依據監本改

詔瀘州守臣帶潼川府夔州路兵馬都鈐轄刊本馬訛爲據監本改。察其登耗有無以足上供刊本脫無字據監本增。

詔諸軍升差統制至準備將者刊本詔訛謂據監本改。

又置水陸都巡檢使或三州都巡檢使刊本下都字訛郡據監本改。

卷一百六十九

從政郎注崇寧通仕刊本脫仕字據監本增。

卷一百七十

舒州靈仙觀刊本舒訛尉據監本改。

通直郎注寺監官以上未升朝者刊本寺訛時 又奉直大夫注有出身人不贈奉直中散大夫刊本身下脫人字又複衍贈字並據監本改增刪。

卷一百七十一

太師太傅太保四百千注春服羅三四匹刊本羅訛罷據監本改。

漢乾祐中置州縣官奉戶刊本戶訛升據通考改。

卷一百七十二

三門白波發運使朝官二十千刊本運訛輝據監本改。

宰相樞密使料錢月三百貫注指揮宰執請受刊本脫揮字據監本增

### 卷一百七十三

食貨志於是司農寺請立法刊本請訛諸又其沙礫不可耕處除之刊本耕訛新並據監本改

### 卷一百七十五

又收市例錢刊本例訛利案市例錢至孝宗乃更名市利錢元符時當是市例錢也今據下文改又自黃河三門沿流入汴刊本汴訛沛又往年南自真州江岸北至楚州刊本真訛鎮並據監本改

### 卷一百七十七

戶多而役簡者刊本而訛石據監本改

### 卷一百七十九

宗室自祖免以上刊本祖訛祖今改又左司諫翟思刊本司訛思據監本改

### 卷一百八十

平廣南江南亦聽權用舊錢刊本亦聽權用訛赤德雄州據通考改又轉運使高易簡刊本易訛陽據監本改又詔惠州永通阜民監刊本韶訛詔據地理志改

### 卷一百八十一

販者不行公私無利刊本利訛費據監本改

卷一百八十二

申沮壞之制重扇搖之法刊本搖訛淫據監本改。

卷一百八十四

詔川茶侵客茶地者以多寡差定其罪刊本詔訛輶據監本改。

卷一百八十五

隸總制司刊本總制二字互倒據監本改。又罷官監後復置之刊本置訛制今改。又寧宗開禧元年刊本禧訛平據寧宗本紀改。又無爲軍亦置務鬻禁刊本無爲二字互倒今改。

卷一百九十

兵志一歲間亦可得米三萬五石案五下通考有千字。

卷一百九十二

若人主無道以揆之則多爲異議所奪刊本異訛兵今改。

然則保甲戶馬復何所用哉刊本哉訛或據通考改。又令樞密院三省同立法刊本三訛今改。又是日布進皇畿內保丁總二十六萬熙寧中教事藝者凡七萬刊本脫總字又複衍者字並據通考增刪。

卷一百九十三

詔在京奉錢七百以下刊本奉訛秦據監本改。又西人結連女真爲日甚久刊本西訛四據下文改。  
又陝西募土人充軍刊本土訛主據監本改。

卷一百九十六

乾道淳熙紹熙之際一遵其制刊本遵訛導據監本改。

卷一百九十七

計以歲月漸次興作毋得急遽科斂刊本毋訛每今改。

卷一百九十八

凡御馬注入殿祇候十五匹別駕十四匹刊本上十字訛六下十字訛下並據監本改。又迹此推之刊  
本推訛臣。又臣往年出使刊本臣訛推並據通考改。又八年遂廢河南北八監刊本上八字訛萬。  
據監本改。

卷一百九十九

刑法志每遇十一月權住區斷過天慶節卽決之刊本過訛遇據監本改。

卷二百一

時郡縣吏承五季之習刊本季訛年據監本改。

卷二百一

良人於法應死而情輕者刊本良上衍犯字據通考刪。又國家承平百年當用中典刊本典訛與據監本改。

卷二百二

藝文志衛元嵩周易元包十卷注蘇源明傳刊本源訛元據崇文總目改。

古文尚書二卷案二上通考有十字又三墳書三卷注元豐中毛漸所得刊本毛訛手據書錄解題改。

大周正樂八十卷注五代周寶儼訂論刊本五訛三儼訛嚴並改。

邢昺爾雅疏十卷刊本邢訛邵今改。

卷二百三

孫盛晉陽秋三十卷刊本陽下衍青字據監本刪。又唐敬宗實錄十卷注李讓夷等撰刊本李訛本據

通考改。

卷二百四

陳彭年大中祥符編敕四十卷刊本符訛行據監本改。

遂初堂書目二卷刊本遂初訛遂安據通考改。

劉公銳鄴城新紀三卷刊本銳訛作銳鉉二字據唐書藝文志改。

鄭文寶南唐近集一卷刊本唐訛毫據通考改。

卷二百五

近思錄十四卷注周敦頤程顥程頤張載等書刊本脫上頤字又程頤誤列在程顥前今並增改。

卷二百六

漢武帝洞冥記四卷注東漢郭憲編案郭憲洞冥記已見傳記類此係複出又幽明雜警三卷注題退夫興仲之所纂刊本退字訛在所字下又夫訛天並據監本改。

卷二百七

合元萬分歷三卷注作者名術不知姓刊本姓下衍名字今刪。

卷二百八

周孚鉛刀編二十二卷刊本鉛訛鈞據監本改。

卷二百九

魏泰隱居詩話一卷刊本詩話二字互倒今改。

卷二百十

宰輔表乾德五年注沈義倫自西川轉運使加戶部侍郎刊本川訛州又王仁瞻自樞密副使責授右衛大將軍刊本授訛提並據監本改。

卷二百十二

大觀元年注徐處仁自試戶部尚書除中大夫尚書右丞刊本除訛院據監本改。

卷二百十三

紹熙五年注授觀文殿大學士依前特進刊本進訛通據監本改。

卷二百十九

世系表武翊郎子思刊本武翊訛代翔據監本改。

卷二百二十五

贈朝請大夫刊本脫大字今增。

卷二百三十

贈正奉大夫刊奉正訛英據監本改。

卷二百三十三

內殿崇班士軌刊本殿崇訛班殿據監本改。

成忠郎士均刊本缺均字據監本補。

追封原王樅刊本缺樅字據宗室傳補。

卷二百三十五

三班奉職諷之刊本奉訛殿 又忠翊郎公昱刊本忠訛思並據職官志改。

右監門衛大將軍刊本監訛班據職官志改。

卷二百三十六

左班殿直公大刊本班殿二字互倒據職官志改。

贈供奉官訛之刊本官訛夫據職官志改。

卷二百三十八

武翼大夫資之刊本大訛郎據監本改。

卷二百三十九

贈左武衛上將軍刊本左武二字互倒據職官志改。

卷二百四十

太子右內率府副率叔同刊本下率字訛叔據職官志改。

卷二百四十一

博陵郡王承選刊本郡訛侯據監本改。

卷二百四十四

燕王德昭傳贈彰信軍節度刊本彰訛張據地理志改。

卷二百四十五

周王元儼傳授荆王淮南節度大使刊本王南二字互訛據監本改。

卷二百四十六

吳王佖傳初授山南東道節度使刊本山南二字互倒據職官志改。

卷二百四十八

魯國大長公主傳政和改賢靖大長帝姬刊本靖訛肅據上文改。

卷二百四十九

范杲傳太宗閱之錄其二子刊本宗訛祖據監本改。

卷二百五十一

慕容延釗傳聞吳人舟數百艘泊東沛州卽命延釗與左神武統軍宋延偓討之案沛宋幄傳作沛左作右又無下延字並與此異。

卷二百五六十六

趙普傳奈何將帥等不遵成算刊本成訛威據監本改。

卷二百五十七

李繼昌傳主誕日邀繼昌過其家迎拜爲壽案公主傳作因繼昌生日以翼禮謁之與此異。  
王仁瞻傳駢馬都尉王承衍刊本衍訛衍據王承衍傳改。

卷三百五十八

曹彬傳。義成軍節度使。刊本軍訛宣。據監本改。

卷二百六十二

劉載傳。唐盧龍節度濟之六世孫。刊本孫訛宗。今改。

卷二百六十四

宋琪傳。令大軍會於易州循孤山之北涑水以西。刊本涑訛漆。據周禮改。

卷二百六十六

溫仲舒傳。素居渭南。士著已久。刊本居訛屈。據監本改。

卷二百七十一

郭廷謂傳。廷謂與州將黃仁謙爲固禦之計。刊本謂訛尉。今改。

卷二百七十三

何承矩傳。是歲契丹始遣使奉幣。刊本始訛使。據監本改。

卷二百八十二

王旦傳。同中書門下平章事。刊本脫下字。今增。

卷二百八十三

林特傳據案終日不倦刊本倦訛卷據監本改。

卷三百一

徐起傳起請開長淮舊浦以便漕運刊本漕訛遭據監本改。

卷三百十四

范純仁傳右丞鄧潤甫案右續綱目作左。

卷三百十七

邵亢傳晏殊爲守刊本守訛首據晏殊傳改。

卷三百二十

彭思永傳御史蔣之奇糾歐陽修陰事挽思永自助思永以爲帷薄之私非外人所知案歐陽修傳作修被不根之謗思永以告之奇之奇卽上章劾修與此異。

卷三百二十六

郭恩傳撤其樓櫓徙其甲兵以實新堡刊本櫓訛擠徙訛從又俯瞰其地刊本俯訛傭今並改。

卷三百二十九

徐鐸傳今宜存宣祖於當祧刊本祧訛詫據禮志改。

卷三百三十一

周沆傳蓋仲昌先爲小計以求興役爾刊本求訛來據監本改。舜俞傳欲如私家襍償他物不可得刊本償訛賞據監本改。

### 卷三百三十四

熊本傳縣令墳包魚池爲窪田刊本墳訛項窪訛主並據監本改。

陶弼傳知賓容欽三州刊本容訛客據地理志改。

### 卷三百四十三

許將傳取四方猶跬步刊本四訛西據監本改。

### 卷三百四十九

賈逵傳泰山多巨木刊本秦訛秦案秦鳳路與泰山無涉今改。

### 卷三百五十三

孫傅傳姑少付以兵刊本付訛信據監本改。

### 卷三百六十

劉拯傳紹聖初復爲御史刊本聖訛興據哲宗本紀改。

### 卷三百六十一

趙鼎傳鼎奏遣張俊往援之刊本援訛受據監本改。

卷三百六十一

張杓傳以疾乞祠卒刊本祠訛嗣據監本改。

卷三百六十二

范致虛傳命杜常將民兵萬人趨京師夏倅將萬人守陵寢刊本兵字訛在寢字下據監本改。呂好問傳留一幸董統之可也刊本留訛劉幸訛勃並據續綱目改。

卷三百六十四

韓世忠傳尙留朕肘腋能先誅乎刊本肘訛尉據續綱目改。

卷三百六十五

岳飛傳飛乘亂縱擊刊本乘訛衆據續綱目改。

卷三百六十九

張俊傳政和七年刊本和訛利又子正刊本複衍正字並據監本改刪。

卷三百七十一

徐處仁傳仁言仲尼之道無所不備刊本之道二字互倒又嘗與敏爭事刊本爭訛事並據監本改。宇文虛中傳明日從康王還刊本日訛年據監本改。

卷三百七十二

王之望傳陳康伯秉政刊本康訛泰據監本改。

### 卷三百七十五

馮康國傳頃臺諫好以朋黨論士大夫刊本朋訛明據監本改。

### 卷三百七十六

呂本中傳童蒙訓三卷刊本蒙訛豪據藝文志改。

### 卷三百七十八

蔡崇禮傳其後繼者曾公亮文彥博刊本曾訛魯今改。

### 卷三百七十九

章誼傳米商輻湊刊本輻訛湊今改。

胡松年傳况海道闢遠蘇秀明越最爲要衝刊本越訛趙據地理志改。

### 卷三百八十

薛弼傳弼許俊以靖州刊本弼許二字互倒據監本改。

### 卷三百八十一

范如圭傳命宗室士儻及張叢以行刊本儻訛儻據宗室傳改。

晏敦復傳今方專國便敢爾刊本專訛策據續綱目改。

卷三百八十二

勾濤傳時帝駐蹕建康刊本康訛炎今改。

卷三百八十七

王十朋傳博采兼聽已收其效刊本兼訛蕪據監本改。

卷三百八十八

陳橐傳曾未淹歲反復如此刊本未訛爲據監本改。

卷三百九十三

羅點傳當風雨雷電旣霽之餘刊本霽訛濟據監本改。

卷三百九十七

劉光祖傳又請改正憲德慈烈皇后諱日刊本諱訛韓據監本改。

卷四百二

安內傳至是曦遠興州留丙魚關刊本留訛劉據監本改。

卷四百三

趙方傳光化守潘景伯刊本光化二字互倒據地理志改。

卷四百八

王霆傳.民因賦役而破蕩.刊本賦訛賊據監本改.

### 卷四百九

高斯得傳進孝宗繫年要錄綱目.刊本孝訛高據前後文改.

### 卷四百十

曹彥約傳以紹聖崇觀諱言爲戒.刊本戒訛成據監本改.

### 卷四百十二

孟珙傳轉成忠郎.刊本成訛威據職官志改.

### 卷四百十三

趙汝謙傳功業當如朱虛立身當如子政.刊本政訛攻據監本改.

### 卷四百十五

程公許傳逐諫臣開邊釁.刊本開訛聞據監本改.

王遂傳以寶章閣待制.刊本制訛置今改.

### 卷四百十六

汪立信傳蓋以立信目微眇云.刊本眇訛耿據監本改.

### 卷四百二十七

考證程頤傳虔之興國宰程珦刊本珦訛瑀據本傳改。

卷四百二十八

劉絢傳所蠲財什二刊本什訛行據監本改。

楊時傳又言都城居四達之衢刊本都城二字互倒據續綱目改。  
羅從彥傳間謁時將樂溪上吟咏而歸刊本樂脫字據宋儒語錄增。

卷四百二十九

朱子傳然後舉而加之於位刊本脫舉字今增。

卷四百三十七

真德秀傳願討論雍熙追封秦王舍罪恤孤故事刊本熙訛頤據本紀改。

魏了翁傳入對乞明君子小人之辨刊本對訛封據監本改。

卷四百四十二

尹源傳田承嗣守魏刊本承訛乘據唐書改。

卷四百四十四

米芾傳風神蕭散音吐清暢刊本音訛立據監本改。

卷四百四十六

孫益傳初益在朔寧刊本朔訛朝據前文改。

### 卷四百四十七

唐重傳并條奏關中防河事宜刊本奏訛秦據監本改。

### 卷四百五十四

米立傳吾官銜一箇牙牌寫不盡刊本銜訛街牙訛先據續綱目改。又立乃生擒之人與投拜者不同。刊本生訛堅投訛授並據監本改。

### 卷四百五十五

楊宏中傳溥字象夫刊本溥訛傳據前文改。

### 卷四百五十六

郝戴傳姻族語其妻聶氏使勸戴仕刊本仕訛士據監本改。

### 卷四百六十

張氏傳縛女於其內旁列熾火刊本女訛母據上下文改。

謝枋得妻李氏傳元兵蹤跡至山中刊本元訛信據史緯改。

### 卷四百六十二

甄棲真傳單州單父人刊本父訛文據地理志改。

卷四百六十三

馬季良傳入爲刑部詳覆官刊本詳訛許據監本改。

卷四百六十四

李遵勗傳有閒宴集二十卷刊本閒訛間據監本改。

端惠傳以獻穆公主恩七歲授如京副使刊本獻穆二字互倒據公主傳改。  
名刊本初訛被據監本改。

卷四百六十六

李神祐傳命神祐奉聘禮於華州刊本華訛葉據監本改。

卷四百六十八

童貫傳政和元年副鄭允中使于遼刊本允訛久據續綱目改。

卷四百六十九

王德謙傳奏請嘉王詣重華宮問疾刊本請訛讀據監本改。

卷四百七十一

章惇傳民有被酒狂譖者詔貸其死刊本狂訛征據監本改。  
曾布傳使專任安石以威脅衆使母敢言故驟見拔用刊本故訛政今改。

卷四百七十三

秦檜傳退又自之臺諫刊本退訛過據續綱目改。

卷四百七十四

丁大全傳須臾出北關棄槐韁呼而散刊本關訛闕據續綱目改。

卷四百七十五

劉豫傳麟總中路兵刊本中訛十據續綱目改。

苗傅傳能殺淵及內侍則人人可富刊本富訛審據監本改。

卷四百七十六

李全傳上全遣小吏再致書刊本再致二字互倒今改。

卷四百七十七

李全傳下亟牒海州求通泰入湖之路刊本海訛池據監本改。

卷四百八十四

韓通傳又城東鹿及鼓城刊本東訛東據地理志改。

李重進傳世宗在迎鑾遣重進將兵赴廬州刊本鑾訛轡據五代史改。

卷四百八十五

李彝興傳仁福卒子彝超嗣刊本超訛興據五代史改。又繼捧乞師及翟守素來乃奉表歸款刊本乃訛及今改。

卷四百八十六

李秉常傳乾順改元正德刊本順訛德據前文改。

卷四百八十八

交趾國傳詔文思院製鞍轡以賜天祚刊本驥訛羈據監本改。

卷四百八十九

占城國傳王每日午坐禪椅刊本禪訛憚又脫椅子。又卽令豢養之人以數諭之刊本脫人字。又乞市驛馬刊本驛訛驛並據通考改增。

卷四百九十一

回鶻國傳有小郡數百刊本小訛亦據通考改。又副使安福刊本福訛副據監本改。又神宗問其國種落生齒幾何刊本何訛行據通考改。

大食國傳眼藥二十小琉璃瓶刊本眼訛銀據通考改。

卷四百九十二

日本國傳賜木吉治裝錢遣還刊本治訛時據監本改。

卷四百九十四

南丹州傳奪其地自守刊本守訛首據通考改。

卷四百九十五

廣源州傳又以雷火頻婆四洞及思浪州附益之案四通考作回。

卷四百九十六

黎州部落蠻傳他如浮浪蠻、白蠻刊本他訛地據監本改。



# 四庫全書考證卷二十九

## 史部

竹書紀年

竹書統箋

前漢紀

後漢紀

元經

唐創業起居注

資治通鑑考異

通鑑地理通釋

通鑑釋文辨誤

稽古錄



竹書紀年 梁沈約附注

卷上

帝相二十八年伯摩殺寒浞。明年后縉生少康。案前正文已載夏世子少康生此明年后縉生五字疑衍。

帝芬案芬史記作槐。

帝辛五十二年周師伐殷。注：伐殷至邢丘。刊本邢訛刑據別文改。

卷下

成王十三年魯大禘於周公廟。案下二十一年方云周公薨于豐。此不應有周公廟。疑是錯簡。

共王名繄案繄史記作扈。

懿王名涇案涇史記作宮涇。

竹書統箋 翰林院檢討徐文靖撰

卷一

黃帝軒轅氏以女魃止淫雨注蚩尤請風伯雨師縱大風雨刊本脫雨師二字據山海經增五十七年鳳凰至注羽鳥之異也刊本羽訛與據古今注改

卷二

帝堯陶唐氏七十三年舜受終于文祖黃曰神斗刊本斗訛升據尚書緯改

卷三

帝仲康七年依邳侯注定元年傳刊本定元訛襄九據左傳改

帝相元年征淮夷注昭元年傳曰周有徐奄刊本元訛四周訛商並據左傳改

卷四

帝癸十一年會諸侯於仍注僖二十三年刊本僖訛昭據春秋改

卷五

盤庚十四年自奄遷于北蒙曰殷注洹水出洹山刊本洹山訛山連據水經注改

卷六

帝辛十七年冬王遊于淇注淇水出朝歌城西北東南流刊本脫流字據水經注增三十四年周師取焉及邗注魯定公四年刊本訛僖二十九年據左傳改

卷七

周武王十三年薦殷于太廟。注：籥人奏武王入進萬獻。明明三終。刊本萬訛來。據汲冢周書改。  
成王二十五年四夷來賓。注：權扶三日。刊本三訛。據汲冢周書改。

### 卷八

穆王十三年造父御王入于宗周。注：箇箇爲右。案箇箇。郭注音秦丙。列子穆王篇作离离。淮南覽冥訓作泰丙。音義與穆天子傳並同。

五十五年王陟于祇宮。注：昭十二年傳楚右尹子革曰。刊本十二訛作七。右訛令並據左傳改。

### 卷九

幽王二年晉文侯同王子多父伐鄆。注：依暎歷莘。刊本莘訛華。據國語改。

### 卷十

桓王四年曲沃莊伯卒。子稱立。是爲武公。注：案林氏曰。魯隱公七年。魯哀侯二年。曲沃莊伯卒。子稱代立。是爲武公。今據傳是魯桓公三年云。隱公誤。案春秋二十國年表。周桓王之四年。魯隱公七年。晉哀侯二年。悉與紀年脗合。至十三年傳曲沃伐翼。獲哀侯。正爲晉立小子侯。張本非謂哀侯武公。至此始見也。林注並不誤。此箋失考。

### 卷十一

考王元年庚子。刊本子訛午。據通鑑改。又案上文貞定王元年爲癸酉。在位二十八年。則考王元年當爲

辛丑然通鑑以庚子爲考王元年或未踰年改元也附識。

卷十三

隱王三年秦王來見于蒲坂關注應劭曰秦始皇東巡見長坂故加反云刊本脫長坂故加四字據漢書地理志注增。

前漢紀 漢荀悅撰

卷二

高祖紀二年張良間行歸漢刊本良訛耳據史記改。

卷三

四年誅成安君之罪以令於趙刊本令訛全據漢書改。

五年立無諸爲閩越王刊本脫閩字據史記增。

六年上聞惡之故號其子爲刮羹侯案刮羹史記作羹頡又肥爲齊王王七十三縣刊本脫三字據漢書增。

卷四

八年令賈人無得衣錦繡刊本脫賈字據漢書增。

十二年太傅叔孫通刊本傳訛保據漢書改。

卷五

孝惠帝紀六年內史掌穀貨刊本穀訛寶又太子太傅少傅古官也刊本下傳字訛府又漢爲司隸校尉城門校尉刊本脫城門校尉四字又太中大夫秩比千石刊本比下衍二字並據漢書增改刪。

卷六

高后紀二年行五銖錢案五漢書作八與此異。

卷七

孝文帝紀三年上自至高都案漢書作上自甘泉之高奴與此異。

卷八

十三年詔除民田租案語一封三百六十六里案上六字漢書刑法志作一。

卷十一

孝武帝紀元光五年初楚威王使將軍莊蹻循江略巴黔中以西刊本威訛莊據漢書改。

卷十二

元朔二年唯孔奢葬之案奢漢書作車。

五年彊弩將軍李蔡出朔方案彊弩漢書作輕車與此異。

六年大將軍衛青刊本衛青訛作公孫敖據漢書改又唯騫與唐邑奴二人得還案唐史記大宛列傳作堂與此異又西行至莎車爲南道刊本車訛居又大馬雀刊本馬下衍大字並據漢書改刪

卷十四

元鼎五年戈船將軍嚴爲刊本嚴訛助據漢書改

元封五年梁相有褚大通五經刊本複衍通字據漢書刪

五年遂北至瑯琊傍海所過禮祀名山大川刊本傍下衍蒲浪二字據漢書刪  
太初元年以爲昌邑王太傅刊本缺爲昌邑三字據漢書補又八音者土曰缶案缶漢書作塙又太簇族湊也言湊地達物也刊本達物訛上爾據漢書改

卷十五

征和二年任安坐受太子節懷二心案語乃封李壽爲邦侯張富昌爲題侯刊本邦訛抱題訛蹕又衍一  
蹕字據漢書改刪

三年屈釐女爲廣利子妻案漢書作貳師女爲屈釐子妻與此異

卷十六

孝昭帝紀始元五年上官安爲樂鄉侯案樂鄉漢書作桑落與此異

卷十七

孝宣帝紀本始元年武封樂昌鄉侯刊本樂昌二字互倒據漢書改。

地節二年復使光兄子雲爲侍中案子漢書作孫又築神道北臨昭靈南出承恩刊本靈訛臺承恩訛罘  
惡據漢書改。

三年雨淖不駕駟馬車刊本脫駟字據漢書改。

### 卷十八

四年封故鄧侯曾孫建世爲侯刊本脫曾字據漢書增。

元康二年立車師太子軍宿爲車師王徙居渠黎刊本黎訛梁據漢書改。

四年翁歸字子兄甚清潔刊本兄訛沈據漢書改。

### 卷十九

神爵二年其益吏百石以下俸五十斛案五十漢書作十五。

### 卷二十

五鳳二年惲丞相敞弟案漢書作敞子忠忠弟惲又安昌侯案安漢書作高並與此異。

三年置西河屬國都尉案屬國都尉漢書作北地屬國與此異。

四年歲漕關東穀四百萬斛刊本萬訛餘又蔡癸以好農而爲使者刊本癸訛揆並據漢書改。

### 卷二十四

孝成帝紀。建始元年。今甘泉紫壇有文章刻鏤黼黻文繡之飾。刊本紫壇訛紫微殿三字。據漢書改。又後

秦宣作密時。刊本宣訛文。據史記改。

三年必鄉舉求窈窕之女。刊本鄉訛卽。據漢書改。

卷二十五

河平三年。淄川楊叔元刊本淄訛菑。又脫元字。據漢書改增。又魯高堂生傳士禮十七篇。刊本七訛八。據儀禮改。又順四時而行。刊本而訛五。據漢書改。

卷二十七

綏和元年。師丹爲太子太傅。刊本師訛史。據漢書改。

後漢紀 晉袁宏撰

卷一

光武皇帝紀。更始二年。祐從容問世祖曰。刊本問下衍謂字。據東觀記刪。

卷四

四年兄員爲護宛使者。刊本使訛吏。據續漢書改。

卷五

六年臣願陛下無忘河北之難刊本河北訛父城據後漢書改。

### 卷七

十五年封皇子輔爲右馮翊公刊本脫馮字據後漢書增。

十七年以兄讞爲侍中封原鹿侯刊本原訛元鹿訛庶據郡國志改。

### 卷九

孝明皇帝紀永平三年宮室崇耶刊本崇訛榮據說苑改。

### 卷十

十六年出朔方高闕塞刊本高訛鬲據後漢書改。

### 卷十二

八年得沛人蔡千秋刊本千訛子據後漢書改。

### 卷十三

孝和皇帝紀永元二年立皇弟壽爲濟北王刊本濟北訛北海據後漢書改。

### 卷十四

十六年又爲外戚樊氏郭氏陰氏馬氏諸子弟立學刊本脫陰氏二字據後漢書增。

### 卷十五

孝殤皇帝紀。延平元年建武初寵父躬復以律令爲廷尉監。刊本脫建武初三字。據後漢書增。又北通車師前後王及東且彌卑陸蒲類移支。刊本東訛車卑訛旱移訛條。據西域傳改。

卷十七

孝安皇帝紀。建光元年上幸衛尉馮石府賞寶劍玉玦。刊本脫府字。賞訛上。據續漢書增改。

卷十八

孝順皇帝紀。陽嘉二年知義不可爲。刊本脫知義二字。據資治通鑑增。

卷十九

永和四年公儀休不愛魚食以定其位。刊本儀訛魚。據史記改。

卷二十

孝桓皇帝紀。建和元年司徒趙識爲江南侯。案江南通鑑作廬亭。

元嘉元年太常羊孺案孺通鑑作溥。

卷二十三

孝靈皇帝紀。建寧元年以太尉陳蕃爲太傅。與將軍竇武及司徒胡廣參錄尚書事。刊本與訛以及訛爲。

脫參字並據通鑑改增。

卷二十四

光和元年太常來豔爲司空刊本來訛袁據後漢書改。

## 卷二十五

中平二年收天下田畝十錢以治宮室刊本錢訛歲據通鑑改。

## 卷二十六

孝獻皇帝紀初平二年唯絲堅小蠻刊本蠻訛敢據通鑑改。

## 卷二十八

興平二年其督戰皆寶負其尸而瘞之刊本寶訛置據後漢書注改。

## 卷二十九

建安三年太守杜密異之刊本缺杜字今補。

## 卷三十

十二年沃野千里刊本脫千里二字據三國志增。

元經隋王通撰唐薛收撰宋阮逸注

## 卷一

晉太安二年傳吾與卿友于十人同產皇室原本友于訛及於產訛在又自求多福深思進退也原本深

訛澤並據晉書改。

卷二

永嘉五年傳帝開華林園門原本開訛聞門訛開據晉書改。

卷三

東晉元帝太興元年傳漢高經大梁美無忌之賢原本美訛矣據晉書改。  
太寧元年饒安東光安陵縣災原本光訛麥據晉書改。

二年傳王邃祖約原本闕約字據晉書補。

卷四

咸和元年傳子文受薦賈之責原本闕薦字據晉書補。

八年傳翟湯字道深原本闕湯字又太寧中與臨海任旭俱徵原本闕任旭二字又豈素絲難染而搜引  
之禮簡乎原本闕豈素絲三字並據晉書補。

咸康三年注著典誠十五篇原本闕五字據晉書載記補。

卷六

咸安二年拜百濟爲樂浪太守案百濟下晉書有王餘句三字。  
寧康三年傳僕射謝安曰原本謝安曰訛謂人因據晉書改。

太元二年壬寅案晉書是年八月無壬寅壬寅乃冬十月也原本脫去冬十月三字

七年傳至是遣使獻方物原本遣使訛范熊案晉書林邑傳范熊傳子逸卒爲其僕文所奪升平末文子佛降晉至太元中遣使貢獻據此則入貢者佛也佛距范熊已四世且非范氏子孫矣今據改八年將軍郭銓原本銓訛洽又以輕騎渡淮至壽春原本春訛陽並據晉書改

卷七

義熙九年傳劉封義真桂陽公原本真訛員據晉書改

卷八

宋元嘉傳十五年傳高麗王高璉也原本璉訛理據宋書改

十六年夏六月立子鑠爲南平王案夏六月宋書及南史俱作八月庚子

唐創業起居注唐溫大雅撰

卷上

起義旗至發引條獲其特勒所乘駿馬刊本勒訛勤今改

卷下

起攝政至卽真日條唐弼凶豎草竊岐陽刊本豎訛監今改

資治通鑑考異 宋司馬光撰

卷三

漢紀華歆迎孫策注官屬請出郊迎歆曰無然刊本歆訛教據魏志注改。

甘寧奔孫權注案周瑜孫權傳刊本權訛瑜今改。

魏紀劉放執帝手作詔注我自召太尉而曹肇等反使吾止之刊本等訛詩據魏志改。

卷四

晉紀賈疋戰死注疋敗走墜澗死刊本墜澗訛隋間據晉書改。

卷五

燕王雋講武戒嚴注而燕書載封奕慕與根言俱指冉閔刊本載訛戰冉訛年今並改。秦使曹轂發使如燕朝貢注皆在真爲太尉下刊本在訛匡尉訛討並據晉書改。

宋紀藉田大赦注今從宋書刊本從訛許今改。

藏質使臧澄之營東山注今從帝紀質傳作澄之刊本澄訛證據上文改。

九月注列傳及宋書皆無之刊本及訛宋今改。

卷六

齊紀慧景敗走斬之。注出投慧景刊本投訛牧據南齊書改。  
梁紀魏執京兆王愉注每止宿亭傳必攜李氏刊本氏訛手。又至野王愉語人曰刊本野訛蜀並據北  
史改。

魏高湖下謚刊本謚訛謚據下文改。

卷七

爾朱仲遠使魏僧勉討崔祖螭注咄嗟之間刊本咄嗟訛出差據北齊書改。

陳紀高祖永定元年注周文育傳皆作子刊本子訛十據陳書及南史改。

卷八

隋紀車駕度遼刊本車訛單據通鑑改。

卷九

唐紀世民爲王世充所圍注雄信若知是秦王則取之尤切刊本若訛者又元吉亦安肯以勣故而舍

之刊本肯訛皆今並改。

李勣請贖單雄信注高祖不許刊本祖訛在據舊唐書改。

卷十二

崔琬彈宗楚客注冀垂天鑒上領之刊本冀訛計領訛領今並改。

竇懷貞爲侍中注竇僕射前爲王皇后國姁刊本署訛奢據唐書改。

卷十四

貶張均張垍張璡注會祿山自范陽入覲刊本范訛一據唐書改。

陳希烈罷相注國忠同事素忌嫉之刊本同訛州據唐書改。

祿山遣孫孝哲將兵入長安注祿山遣殿中御史張通儒爲西京留守刊本御訛徐西京二字互倒今並改。

卷十六

又殺朝清等注高如震對曰刊本震訛矣據上文改。

僕固瑒敗賊于下博注陸遜黃蓋皆以權道取之刊本蓋訛孟又脫權字並據三國志改增。

虜攻鄖州不克注郭晞於鄖州西三十里令精騎斫懷因營刊本晞訛鋒斫訛所並據唐書改。

卷十七

周皓擒朝恩縊殺之注載用左常侍崔昭尹京兆刊本左訛主據唐書改。

卷十八

李忠臣助朱泚注與海賓約事急爲繼刊本約訛紀據舊唐書改。

卷二十

劉總乞棄官爲僧。注：請以所部九州聽朝旨。刊本部訛郊。據舊唐書改。

卷二十三

貶楊收端州司馬。注：舊傳誤。今從實錄。刊本脫誤字。今增。

卷二十六

李存孝收晉絳。注：時鳳翔軍營霍邑。刊本翔訛朔。據唐書改。

通鑑地理通釋 宋王應麟撰

卷一

星十條 梓慎曰：歲在星紀。刊本慎沿宋諱作謹。今改。

四極條 名曰西王母。注：乃紀其跡于弇山。刊本闕山字。據穆天子傳補。

卷三

唐十道條 欽貢代赭。刊本代訛岱。據通典改。

卷四

十國條 北有燕。注：劉仁恭。刊本恭訛參。據五代史改。

卷五

十道山川考沂條徑魯之雩門刊本雩訛雲據水經注改。

崞山條內經以爲清涼山注漢慮虒縣刊本虒訛虎據漢書地理志改。呼沱條東流至文安縣入海注若滹沱胡盧永濟等河皆匯於塘灤刊本塘訛漣又脫灤字並據宋史河渠志改增。

漢水條泗水源出武都東狼谷中刊本東訛末據水經注改。

卷七

邳彤對光武和戎條鉅鹿郡下曲陽漢都尉治今祁州鼓城縣刊本祁訛祈據宋史地理志改。王朴平邊策幽并條入於劉晏注忻代嵐石刊本忻訛沂據五代史改。

卷八

趙林人條故樓煩胡也注故城在代州崞縣刊本崞訛濱據宋史地理志改。

卷九

魏許條魏改曰許昌注潁昌府長社縣刊本社訛杜據宋史地理通改。

宿胥之口刊本宿訛定據戰國策改。

卷十

楚汝穎條封畛於汝注汝出汝陽縣大孟山刊本孟訛孟據水經注改。

## 卷十一

蜀漢重鎮八陣圖條隅落勾連曲折相對刊本鈞訛駒據李衛公問對改。

## 卷十三

晉重鎮沌口條沌口上承新陽縣之太白湖刊本闕新陽二字據水經注補。陳重鎮狼尾灘條戚欣守狼尾灘刊本欣訛昕據隋書改。

通鑑釋文辯誤 宋胡三省撰

## 卷一

齊伐魏取觀津條觀國夏太康弟五人之所封也刊本弟五人訛第五弟據國語注改。

## 卷二

伏波將軍路博德出桂陽條洭水過臨洭縣案臨水經注作舍。

## 卷四

少府屬官有黃門、鉤盾、尚方、御府、永巷內者宦者七官令承刊本下者字訛官據漢書百官表改。

## 卷五

魏主珪北巡至濡源條出故安縣西北窮獨山南谷刊本脫窮字據水經注增。

卷六

何尚之曰夏口在荊江之中正對沔口條是夏水之首江之汜也刊本首訛口又其決水之所出謂之堵口刊本水訛入出訛土堵訛賭並據水經注改。

魏築城於醴陽條又西北流逕平氏故城東刊本氏訛市據水經注改。

卷七

顯達之北伐軍入沟均口案沟晉書梁書及水經注並作汋。

卷八

于仲文取金鄉條又西南逕山陽南平陽之顯閭亭刊本顯閭訛閭立據水經注改。

倭王多利思比孤條至彥歟三十二世刊本歟訛欽據唐書日本傳改。

卷九

以高開道爲蔚州總管條武德六年置刊本六訛二據唐書地理志改。

卷十

高尙雍奴人條幽州有雍奴縣刊本幽訛雍據唐書地理志改。

卷十二

帝至壽春城下條在廬州合肥縣刊本廬訛盧據唐書地理志改。

舳艤相連數十里李斐注舳船後持柁處艤船前持櫂處案小爾雅船頭謂之舳尾謂之艤與此異。

稽古錄 宋司馬光撰

卷三

有虞氏祖曰橋牛父曰鼓瞍刊本脫橋字據史記增。

卷八

亞圉生公叔祖類刊本類訛賴據史記改。

卷十

宣王十七年注晉穆侯費生元刊本費訛寔據史記改。

平王二十四年注宋宣公立刊本宣訛桓據史記改。

莊王十一年注管夷吾召忽奉僖公子糾奔魯刊本魯訛齊據左傳改。

惠王十七年注季友立閔公之兄申而誅慶父刊本脫季友立閔公五字據史記增。

卷十一

敬王四年注宋景公頭曼刊本頭曼訛纁南據史記改。

十九年注曹伯陽刊本脫伯字據史記增。

威烈王十七年注魯穆公顯刊本顯訛衍據史記改。

安王四年注楚人伐鄭鄭人殺其相驅子陽刊本相訛桓據史記改。

赧王三年注秦大破楚師于丹淅刊本浙訛陽據史記改。

八年注甘茂圍宜陽五月不拔樗里子爭之刊本爭訛等據通鑑改。

十九年注魯潛公賈刊本賈訛寘據史記改。

卷十二

漢元帝永光五年注毀太上皇孝惠廟園刊本惠訛忠據漢書改。  
哀帝建平二年注待詔夏賀良以妖妄誅刊本良訛梁據漢書改。  
平帝元始四年注春立皇后王氏刊本王訛秦據漢書改。

卷十三

晉穆帝永和十一年注建興四十三刊本缺四十三三字據通鑑補。

卷十四

宋文帝元嘉七年注秋燕主跋殂刊本跋訛攻據通鑑改。  
三十年注南郡王義宣刊本郡訛譙據南史改。

順帝昇明元年刊本明訛平據通鑑改。

陳宣帝大建十三年注納言蘇威定律令刊本威訛成據通鑑改。

唐高祖武德五年注杜伏威羅藝入朝刊本伏訛復據通鑑改。

### 卷十五

太宗貞觀二十二年注徒安西都護于龜茲兼統于闐疎勒碎葉謂之四鎮刊本徒訛延又缺碎葉二字並據唐書改補。

文宗開成五年注立頴王灤爲太弟刊本頴訛賴灤訛炎據通鑑改。

武宗會昌元年注雄武軍使刊本脫武字據通鑑增。

四年注河東將楊弁逐其帥李石上遣使視之刊本楊訛李據通鑑改。

宣宗大中三年注涇源帥康季榮刊本榮訛萌據通鑑改。

懿宗咸通元年注浙東賊裘甫攻陷州縣觀察使王式討平之刊本裘訛仇據通鑑改。

十四年注子普王儂立刊本普訛晉據通鑑改。

僖宗中和三年注忠武將鹿晏弘陷興元刊本忠訛宗又晏弘二字互倒並據通鑑改。

哀帝天祐三年注以嗣昭鎮澤潞見聞之乃還刊本潞訛略據通鑑改。

梁太祖開平二年注蜀高祖王建武成元刊本武成二字互倒據通鑑改。

晉齊王開運二年注泉州將留從效刊本從訛逆據通鑑改。

卷十七

太宗端拱四年注青神民王小波等起爲羣盜刊本神訛城據綱目改。

卷二十

仁宗慶歷元年注元昊圍麟州府刊本州府二字互倒今改。

四庫全書考證卷三十

史部

續資治通鑑長編



續資治通鑑長編 宋李燾撰

原表案李燾撰長編先後凡四次表進此乃乾道四年進建隆至治平五朝事迹所上之表其餘三次原表永樂大典內徧檢未得蓋已亡佚矣

卷一

太祖建隆元年春正月癸卯次陳橋諸將擁立太祖時宰相皇朝未退聞變范質下殿執王溥手曰倉卒遣將吾輩之罪也案范質字城人初見開運元年宋史作宗城人王溥榆次人初見乾祐二年宋史溥傳作并州祁人

辛亥常山高懷德自寧江節度使馬步軍都指揮使爲義成節度使案宋史作江寧軍節度使侍衛親軍馬軍都指揮使又張光翰自虎捷左廂都指揮使嘉州防禦使爲寧江節度使案虎捷左廂宋史及宋史記皆作虎捷右廂

二月乙亥范質加侍中右僕射王溥加司空樞密使魏仁浦加右僕射樞密使吳廷祚加中書門下三品案宋史作范質兼侍中王溥守司空魏仁浦爲尚書右僕射考宋制兼與爲乃實授之詞守則資格未及而暫加之詞今概作加字誤又吳廷祚五代史作吳延祚

三月己巳竇儀請改樂章十二順爲十二安祭文宣王武成王同用永安案武成王原本作武王成王今

改。

六月下亥筠子守節以城降上赦其罪升軍州爲團練用守節爲使案升軍州爲團練資治通鑑作以爲單州團練使

辛卯以翰林學士承旨兵部尙書趙弘爲中書侍郎兼兵部尙書平章事弘蘄人也案宰相除拜必載於帝紀及宰相表今書中載趙弘平章事紀與表皆不載再考薛應旂王宗沐續通鑑亦不載疑宋史脫誤而二家因之也

九月己酉貶中書舍人懷戎趙行逢爲房州司戶參軍原本脫行字據宋史補入

十一月乙卯唐主景遣其子蔣國公從鑑戶部尙書馮延魯來買宴原本買宴作置宴據宋史改

卷二

建隆二年二月壬申命給事中劉載浚五丈渠原本壬申訛壬寅今改又渠宋史作河

八月甲辰義武節度使同平章事孫行友在鎮逾八年而狼山妖尼深意黨益盛案義武宋史及薛應旂續通鑑皆作易定

卷三

建隆三年正月丙子加曹元忠兼中書元忠子延敬爲瓜州防禦使案延敬宋史作延繼六月己亥德晉滅京畿及河北諸州死罪以下囚旱故也原本己亥訛己未據上下文干支改

十月辛丑以趙普爲檢校太保充樞密使案山堂考索作檢校太尉

#### 卷四

乾德元年二月遣使往澶滑魏晉絳蒲孟等州開倉賑貸案宋史魏下有衛字

六月乙未祕書郎梁周翰上言臣聞天地以來聖賢交驚古今同流校其末年鮮克具美原本年訛篇今改

七月辛亥朔詔定州縣官當直人數案宋史作定州縣所置雜職承符廳子等名數

#### 卷五

乾德二年正月庚寅以李崇矩爲檢校太尉案太尉宋史宰相表作太保

庚子改清源軍爲平海軍命陳洪進爲節度使洪進多厚斂于民二州之民甚苦之案二薛應旂續通鑑作一州

二月甲寅杜韜等七人至自遼州上赦其罪案杜韜疑卽杜延韜脫去延字

五月辛巳宗正少卿趙礪坐贓決杖除籍爲民案宋史及薛應旂續通鑑無少字

十月甲戌命王全斌爲西川行營鳳州路都部署案宋史作西川行營前軍兵馬都部署又寧江節度使劉光義爲歸州路副都部署案寧江宋史作江寧歸州路副都部署宋史作西川行營前軍兵馬都部署

卷六

乾德三年正月王全斌破蜀蜀主問左右計將安出有老將石奉願者對曰東兵遠來勢不能久請聚兵堅守以敵之案石奉願五代史作石願續通鑑作石斌與此互異

卷七

乾德四年四月丁巳河南府進士李靄決杖配沙門島案靄宋史及續通鑑皆作謁

七月戊辰王全斌言西南夷首領兼霸州刺史董景等內附案景宋史及通鑑皆作嵩

卷八

乾德五年二月戊戌民有詣闕訴長吏受率分錢者原本率訛卒今改

四月戊寅給事中開封馬士元謁樞密副使沈義倫原本開封訛開寫今改

十二月丙辰禁民不得輒以紺疎布帛鬻于市及塗粉八藥原本塗粉訛途分今改

卷九

開寶元年春正月乙酉朔御乾元殿受朝原本乙酉訛辛卯據宋史改

乙巳晉州言北漢任守恩等一百五十人來降案宋史無守字

八月戊午又案鵠于北郊還幸飛龍院原本飛龍二字互倒今改

戊辰以昭義節度使李繼勳爲河東行營前軍都部署案昭義宋史及宋史記續通鑑皆作昭化

九月辛卯馬峰至洞過河與李繼勳等遇何繼筠以先鋒擊破之案洞過河。朔記作洞鍋河。宋史作洞溫河。宋史記作洞溫河。續通鑑作銅鍋河。諸書各異。

卷十

開寶二年二月丁卯以韓重贊爲義武節度使洛陽祁廷義副之案義武宋史作彰義祁廷義作郭廷義乙亥契丹使內侍韓知璠冊命北漢主爲帝案璠遼史作範

十二月乙酉丁德裕奏西川轉運使李鉉嘗醉酒言涉指斥己亥責鉉爲左贊善大夫案成都記載李鉉坐與張延通寫金字經故責官與本傳不同今從國史又左贊善宋史作右贊善又奪右贊善大夫王昭文兩任案王昭文宋史及續通鑑皆作王昭

卷十一

開寶三年正月辛酉詔諸州官吏察民有孝弟彰聞德業純茂者滿五千戶聽舉一人案宋有德行純茂科宋史及宋史記續通鑑皆作德行純茂此作德業純茂誤

三月丙辰免殿中侍御史張顥官案殿中侍御史宋史作殿中丞

九月己亥以潘美爲賀州道行營兵馬都部署案賀州宋史及宋史記皆同惟續通鑑作桂州與此異

卷十二

開寶四年正月南漢主遣右僕射蕭灌奉表乞降案灌與五代史同宋史作灌與此異

四月成都布衣羅居通喪親廬墓有芝草生甘露降守臣表其事于是以居通爲延長縣主簿案延長縣宋史作延州

卷十三

開寶五年二月庚寅以端明殿學士兵部侍郎劉稽古守本官參知政事案稽宋史帝紀及宰相表皆作熙

五月戊申發諸州兵士五萬人塞決河是月下詔曰朕以屢經決溢重困黎元每閱前書詳究經瀆案經瀆猶云經流宋史記改作溝瀆續通鑑改作涇瀆皆誤

卷十四

開寶六年四月壬寅命知制誥張灤權祇應翰林院事原本應訛廟今改

卷十五

開寶七年二月癸巳以樞密使田仁朗權知慶州案宋史職官志有樞場使此作易誤

秋七月江南人樊若冰舉進士不中第遂謀北歸案冰宋史及續通鑑皆作水

十一月甲午曹彬等言敗江南兵數千人於新林案林宋史及續通鑑皆作竹

卷十七

開寶九年二月辛巳上至西京見洛陽宮室壯麗甚悅召知河南府右武衛上將軍焦繼勳面獎之原本

脫衛字據宋史職官志增

卷十八

太宗太平興國二年正月詔凡出茶州縣民輒留及賣鬻計直千貫以上黥面茶園戶輒毀敗其叢株者計所出茶論如法案茶株文獻通考作業樹

七月己亥幸白鶴橋臨金水河案鶴宋史作鶻

卷十九

太平興國三年正月己酉命翰林學士李昉等修太祖實錄直學士院湯悅等修江表事迹原本作李昉等修江表事迹據宋史李昉修太祖實錄湯悅修江表事迹今改

卷二十

太平興國五年三月癸巳潘美言自三交口巡撫至代州會敵十萬衆寇雁門案潘美傳嘗巡撫至代州旣秣馬蓐食而遼兵萬騎來寇與此稱十萬不同

閏三月甲寅上御講武殿覆試合格進士毗陵張觀宜黃樂史等四人皆以見任官舉進士上惜科第不與特授近藩掌書記案宋史張觀傳觀在江南登進士第歸宋爲彭城主簿太平興國初移興元府掾復舉進士不第調雞澤主簿求再試特授忠武掌書記其後以詣外僨事稱旨召拜監察御史充桂陽監史獻所業文賜進士及第與此詳略互異

卷二十三

太平興國七年六月舒州懷寧縣有老僧詣萬歲山于古松下掘得黝石刻誌公記云吾觀四五朝後次丙子年三號二十一帝敬醜濟山九天司命真君社稷永安案宋史本紀作舒州上黝石有白文曰丙子年出趙號二十一帝無前後云云

閏十二月庚寅豐州刺史王承美與契丹戰破其萬餘衆獲天德節度使韋太案韋太宗本紀作肅辛亥契丹主明記卒尊蕭氏爲承天太后初蕭氏與樞密使韓德讓通案讓王宗沐續資治通鑑作驥

卷二十七

雍熙三年三月田重進至飛狐命荆嗣破敵追奔五十餘里抵倉頭而還拔小治直谷二寨原本治訛治今改

卷二十九

端拱元年閏五月殿中丞江陵夏侯嘉貞嘗爲洞庭賦徐鉉見之曰木玄虛之流也原本木訛本今改

卷三十

淳化元年正月庚寅命左正言宋鎬右正言王世則使交州以加恩制書賜其王黎桓也桓質陋而目眇

原本目訛因今改

冬十月乙巳錢若水鞫富民獄數日不決錄事詣若水廳事話之原本詣訛諾今改

卷三十三

淳化三年秋七月乙巳趙普卒上聞訃悲悼謂近臣曰朕君臨以來每待以殊禮普亦傾竭自効原本傾訛領今改

十一月己亥開封尹許王元僖薨人有言元僖爲嬖妾所惑專恣捶僕妾有至死者又及其宮中私事上怒但以一品鹵簿葬焉原本僕訛樸又脫簿字今改增

卷三十四

淳化四年九月乙巳泰寧節度使張永德爲升代都部署有小校犯法永德笞之至死原本笞訛答今改

卷三十五

淳化五年四月內戌張佖言伏覩聖朝編年謂之日歷維紀報狀略敘敕文汗簡無聞國經莫紀原本莫訛昌今改

卷三十六

淳熙五年五月甲寅王繼恩遣曹習破賊萬餘衆遂克閩州原本脫州字今補

己巳以張雍爲給事中知梓州李順亂西川雍與盧斌登堞望之賊兵皆老弱斌請擊之雍曰不可言未畢果有卒倚賊樓呼嘯與賊相應原本畢訛必果訛若

六月乙亥李至以目疾辭吏職張佖亦以早事僞邦不能通知本朝故實辭原本佖訛泌據宋史改

卷三十七

至道元年正月陳堯叟奏墾田上卽遣皇甫選何亮馳傳案諸州案視原本馳訛馮今改

卷四十

至道二年秋七月陳靖上言逃民復業及浮客請田者委農官勘驗俟規畫旣定四方游民必盡廩至原本牒訛靡據左傳改

卷四十一

至道四年正月辛卯張鑑上疏曰伏以關輔之民數年以來併有關役加以浦洛之行曾經剽劫原州之役又致遷延原本浦訛道據宋史改

六月甲辰錢若水曰以爵祿之故而効忠于上中人以下者之所爲也太宗然其言原本下訛上據宋史改

卷四十二

至道三年九月壬午孫何表獻五議其二申明太學曰定令之初綱條疎闊六館升降總限門蔭之高卑原本門訛問今改

卷四十三

真宗咸平元年七月廣西轉運使陳堯叟上言臣所部諸州民除耕水田外地利之博者惟麻苎耳原本

水下脫田字據宋史本傳補。

十二月柳開疏言刑部不令詳斷別立審刑宣徽一司原本脫宣徽一司四字據宋史補。

卷四十四

咸平二年二月癸亥朱台符上言陛下自天受命與物更始授繼遷以節鉞加黎桓以王爵原本桓訛垣。

據宋史本傳改。

六月戊午何亮上安邊書清遠西北日旱海原本旱訛漢今改又而獨使保吉桀點志在決戰能無敗乎原本吉訛昌案宋史係趙吉今據改。

卷四十五

咸平二年九月傅潛遣先鋒田紹斌石普等戍保州爲賊所困渡廉良河注本紀實錄俱稱良廉路紹斌傳稱嚴涼河普傳稱炎涼城楊嗣傳亦稱廉良今從嗣傳及本紀實錄案宋史石普傳亦稱廉良城注引炎涼誤。

卷四十六

咸平三年正月甲申范廷召自中山分兵擊敵求援於高陽關都部署原本脫關字據宋史補。  
二月乙未張永德爲彰德節度使出知天雄軍府原本雄訛雒據宋史改。

三月甲午雷有終等復自漢州進軍列寨彌年賊黨來攻有終擊敗之遣其子奉禮郎孝若馳奏丙午對

于便殿孝若願改職自効詔補西頭供奉官案宋史雷有終傳與此互異。

卷四十七

咸平三年十二月丙寅詔緣邊吏民斬敵首一級賞錢五千擒生者倍之案本紀此詔係丁卯與此互異。

卷四十八

咸平四年正月乙亥上召西川轉運使馬亮入朝問川蜀事原本蜀訛屬今改。

卷四十九

咸平四年十月丁未張齊賢上言朝廷於遷賊之恩可謂厚矣殊不知契丹其謀甚深署王爵以賜之遣戍使以鎮之夫西平之命亦虛名也契丹命之有何須哉案遼史繼遷受封在太宗至道三年三月與此小異。

卷五十

咸平五年四月辛未詔陝西民輓送緣邊芻糧者賜田租之半案宋史本紀此詔係壬申日此載辛未下疑有脫訛。

卷五十六

景德元年四月壬午詔北面諸州休役兵賜衣服緡錢有差以歲旱大熱故也原本熱訛熟考真宗本紀是月丁卯以隆暑休北邊役兵應卽此事但此係之壬午日與史稍異。

卷六十五

景德四年二月辛巳以唐白居易孫利用爲河南助教常令修奉墳塋影堂原本常訛尙今改

卷六十八

大中祥符元年正月戊辰改左承天門爲左承天祥符門擢護門親從官徐榮爲十將案徐宋史作塗二月己卯兗州進士孔謂等八百四十六人伏闕下請封禪案己卯宋史作丁卯與此異

卷六十九

大中祥符元年五月壬戌有司詳定東封儀注爲石檢以撼礎皆長三尺闊一尺原本一尺訛一寸又其當封處刻深二寸原本脫深字又距四隅皆闊二尺厚一尺長一丈原本一丈訛一尺並據宋史禮志改

癸未以王旦爲天書儀仗使案仗宋史作衛

七月庚申有司言五方帝日月神州共用羊豕二十二其從祀七百三十二位仍用前數分充案三十二宋史作三十七與此互異

卷七十五

大中祥符四年二月乙丑御詔駐蹕宣恩樓觀酺原本脫駐字今從別本增

庚午召見華山隱士鄭隱賜號貞晦先生隱居華山之王力巖案華嶽志無王力巖據雍勝略王刁三洞

在華山東竇谷巾仙人王遙刁自然登仙處有上中下三洞云。

三月甲子寧王元偓爲成德安國節度使進封相王原本相訛襄考真宗本紀及此書八月壬寅增給諸王府公用錢相王舒王歲萬三千貫則當從本紀作相爲是今據改。

卷七十六

大中祥符四年六月壬午進封韓國長公主爲衛國原本衛訛韓據宋史改。

卷七十九

大中祥符五年十一月乙卯詔商旅自京便錢至諸州者案太祖開寶二年置便錢務許民入錢左藏給以券於諸州便換此條當云自京賣便錢券至諸州原書脫訛。

卷八十九

天禧元年二月辛巳上作三惑論三惑歌原本脫三惑論三字據別本增。

卷九十四

天禧三年十月己巳謁景靈宮原本景訛京今改。

卷一百七

仁宗天聖七年三月癸亥詔如聞京城諸倉所納軍糧多槩量過數原本槩訛暨今改。

卷一百八

天聖七年六月丁未蘇舜欽上疏願陛下恭默內省案恭通鑑作拱誤七月乙亥通殿直以上自今不得換文資原本資訛質今改

卷一百九

天聖八年五月甲寅賜龍虎山漢天師張道陵二十五世孫乾曜號虛靖先生案宋史本紀賜號澄素先生與此互異

卷一百十

天聖九年四月乙巳祖宗時重盜剝桑柘之禁枯者以尺計積四十二尺爲一功三功以上抵死五月丁未朔詔至死者奏裁原本枯訛柘據宋史刑法志改

天聖九年六月丁丑契丹主遺命以順聖元妃爲皇太妃原本聖訛帝據遼史改

卷一百十一

明道元年八月壬子以劉隨爲契丹國母生辰使原本母訛子又崔旼爲國主正旦使原本主訛母今並改

卷一百十二

明道二年四月庚子降詔恤刑原本刑訛妙今改

六月范仲淹陳八事其八曰真州建長蘆寺役兵之糧已四萬斛棟宇像塑金碧之資又三十萬緡原本

碧訛壁據宋史本紀改。

卷一百十三

明道二年八月盧守慤落押班爲永興軍鈐轄原本永訛水今改。

卷一百十四

景祐元年四月丁巳蔣堂言乞自今除扼要邊陲之處合選任近上武臣其餘州軍卽改差文資原本扼訛阨要訛東陲訛郵今並改。

閏六月乙酉歐陽修爲鎮南節度掌書記修安福人案歐陽修宋史作廬陵人其文集亦自稱廬陵歐陽修此作安福人非是。

卷一百十六

景祐二年正月丙午韓瀆言天下賦役之繁原本役訛與今改。

卷一百十八

景祐三年三月李諮等請罷河北入中盧估以實錢償芻粟實錢售茶原本估訛佑今改。

卷一百十九

高若訥所校十五等古尺條改。景祐三年七月丁亥詳定黍尺鍾律丁度等言隋志所載諸代尺度十有五等原本十訛寸據宋史樂志

卷一百二十

景祐四年十二月置十八監軍司案十八監宋史作十二監又左廂宥州路五萬人以備鄜延麟府原本脫鄜延二字又興慶府七萬人爲鎮守原本脫興慶府七萬人六字並據宋史增

卷一百二十一

寶元元年二月壬午詔內臣爲走馬承受代還如使臣例與改官景祐五年中嘗有是詔今復申明之案景祐止四年五年卽寶元元年也此稱五年誤又韓琦上疏言陳堯佐男述古監左藏庫官不成資未經三司保奏擢任三門白波發運司原本門訛司據宋史改

卷一百二十三

寶元二年四月癸卯右諫議大夫任中師原本師訛司據宋史改

六月夏竦言白志榮遇寇浦洛河原本浦訛溥今改

卷一百二十八

康定元年八月宋庠言國朝承五代荒殘之弊事從簡略鳴鑾游豫僅同藩鎮而盡去戈戟旌旗之制非所謂施頭先驅清道後行之謹也原本脫行字據宋史增

卷一百三十

慶歷元年正月戊寅范仲淹爲書以抵元昊我太祖皇帝應天順人廣南江南荆湖西川一舉而下原本

江南訛荆南案下旣有荆湖則上不當復有荆南當是江南之訛今改。

卷一百三十三

慶歷元年八月辛卯范諷上言元昊不可擊久當自服倘內修百度如祖宗故事則疆事不足爲陛下憂也原本脫則疆事三字據宋史增訛。

卷一百三十五

慶歷二年三月丙戌林瑀撰周易天人會元紀其說用天子卽位年月日辰占所值卦以推吉凶上因問太祖卽位值何卦案上文太祖皇帝是也句則太祖卽位值乾卦已明言之矣不應重問當是太宗之訛。

卷一百三十六

慶歷二年五月甲寅歐陽修上疏大將軍無功而依舊居官原本依舊二字互倒據歐陽修集改。

卷一百四十二

慶歷三年七月癸巳諫官蔡襄言元昊始以烏珠之號爲請及邵良佐還乃欲更號吾祖足見悖慢之意也案吾祖應改烏珠宋人不知音譯故對音爲兀卒而夏人復欲易爲吾祖今通卷俱已譯改而此處蔡襄余靖歐陽修等奏內文義難以并改姑仍其舊。

卷一百四十三

慶歷三年九月乙丑湖南轉運使言桂陽監蠻猺內寇蠻猺者居山谷門原本上猺字訛僂下猺字訛搖今改

卷一百四十五

慶歷三年十一月辛巳歐陽修言昨王倫事起江淮官吏未行遣之間京西官吏又棄城而走原本脫西字據歐陽修集增

卷一百四十七

慶歷四年三月丁亥范仲淹言臣竊見尹洙才業操行縉紳所推乞召尹洙赴闕原本洙訛除案宋史改卷一百四十九

慶歷四年五月壬戌鄭戩奏修水洛城韓琦言水洛勞費又多疎虞比于黃石河腹內之路遠近所較不多原本脫石字據宋史增

卷一百五十二

慶歷四年九月辛巳降柴貽慶爲宣州都監原本貽訛始案宋史改

卷一百五十七

慶歷五年八月甲子包拯言蕃戶深入南界侵占地上邊臣畏懦不能畫壕禁止原本壕訛時據宋史改

卷一百五十八

慶歷六年五月戊戌詔環慶經界司比夏國人馬累至後橋其地雖係漢界但夏國今納款稱臣不欲出兵拒絕原本漢訛濮據宋史改

卷一百六十三

慶歷八年二月丁酉自萬壽觀迎宣祖太祖御容奉安於睦親宅案宋史太祖下尚有太宗二字此脫甲寅魚周詢答手詔其預闡籍服武弁者坐費水衡之給原本闡訛閏據薛應旂續通鑑改又文能附衆武能威敵原本衆訛重據史記司馬穰苴傳改

卷一百六十四

慶歷八年四月己巳判延州程琳言案續通鑑作陝西安撫使與此異

六月乙未詔館閣官須經親民一任方許入省府及轉運提點刑獄差遣原本脫及字據宋史增丙申張方平等上陝西錢議請以江南儀商等州大銅錢一當小錢三案宋史三作二

卷一百六十五

慶歷八年十月丁亥峻青白鹽之禁原本脫白字據宋史食貨志增

十二月丙子詔三司河北沿邊州軍各人入中糧草改行四稅之法原本稅訛說據文獻通考改

卷一百六十六

皇祐元年三月庚子召輔臣觀新造渾儀木樣原本木訛本據宋史改

六月戊寅詔中書樞密非聚議毋得通賓客原本議訛廳據宋史改

卷一百六十七

皇祐元年八月壬戌樞密使工部侍郎宋庠爲兵部侍郎平章事案宋史宰相表作宋庠自樞密使檢校太傅行工部侍郎加兵部侍郎同平章事集賢殿大學士與此互異

九月乙巳儂全福妻阿儂本佐江武勒族也原本左訛佐據宋史改

卷一百六十八

皇祐二年六月乙未御撰鼓吹警嚴曲合宮歌並肄於太常原本肄訛據宋史樂志改

丙寅王堯臣言準正聲之半以爲十二子聲之鍾故有正聲子聲各十二原本各訛名據宋史樂志改

卷一百七十二

皇祐四年四月儂智高及其黨儂建侯儂志中等謀入寇案中宋史作忠

五月丙辰入貴州原本貴訛費據宋史地理志改

六月乙亥起復前衛尉卿余靖爲祕書監知潭州案宋史作湖南安撫使知潭州與此互異

卷一百七十三

皇祐四年七月丁巳命余靖提舉廣南東路兵甲案宋史無東路二字

卷一百七十四

皇祐五年正月壬戌韓琦上言請多用步兵什什相聯伍伍相遮原本遮訛逢據歷代名臣奏議改四月庚午命陝西轉運使李參專制置解鹽案參宋史食貨志作恭與此互異

卷一百七十五

皇祐五年閏七月壬申戶部侍郎平章事龐籍以本官知鄆州案宋史宰相表作以京東西路安撫使出知鄆州與此互異

卷一百七十六

至和元年三月己巳王貽永罷爲景靈宮使加右僕射兼侍中案宋史作檢校太師與此互異

卷一百七十七

至和元年九月辛巳王拱辰使契丹契丹國母愛其少子宗元案宗遼史作重

十二月乙卯契丹遣崇祿卿劉九言來賀正旦原本祿訛福據遼史改

卷一百七十九

至和二年三月丙子詔封孔子後爲衍聖公初太常博士祖無擇言文宣王四十七代孫孔宗愿襲封文宣公案太常博士宋史及闕里文獻考俱作人而集賢院與此互異又在漢魏曰褒成褒宗案闕里文獻考無褒宗之名

卷一百八十七

嘉祐三年四月丙寅詔曰朕惟分治州縣付之守令案丙寅宋史作丙辰合前後支干考之當從丙寅爲是宋史訛

七月丙戌河決詔賑救案丙戌宋史作丙子誤

卷一百八十八

嘉祐三年十二月乙巳詔三司每賦上天下歲賦之數案乙巳宋史作己巳誤

卷一百九十三

嘉祐六年正月乙丑詔良民子弟爲人誘隸軍籍百日內父母訴官者還之案百日宋史作兩月與此異

卷一百九十五

嘉祐六年十月壬辰上謂韓琦曰宗實者今三十餘歲矣原本實訛室據宋史改

卷一百九十八

嘉祐八年正月辛巳龍圖閣直學士周沆充館伴契丹使者案宋史周沆此時判太常寺與此互異

六月丁亥陳太素在大理以耳疾數求罷原本耳訛身據宋史改

卷一百九十九

嘉祐八年十月李端慤奏請通事舍人閤門祇候一任在京一任在外從之仍令常選留十二人在京原本

選訛遷據宋史改

十二月己巳始御延英閣案宋時無延英閣當從宋史作邇英爲是。

卷二百一

英宗治平元年二月庚午權判流內銓錢公輔奏請選人祖父母父母年老得家便官者免更注案英宗卽位公輔以不肯草王疇樞密詔謫滁州團練使此云判流內銓與宋史異。

卷二百一

治平元年四月戊申太后還政韓琦厲聲命儀鸞司撤簾案撤簾事宋史不載曹后傳云后命還政帝持書久不下及秋始行之亦與此不合。

卷二百二

治平元年八月丙辰司馬光數任守忠十罪帝納其言遂黜守忠案守忠之竄由司馬氏之疏而韓琦實贊成之宋史于光及守忠傳互有牴牾而此書盡歸美于司馬氏亦未可盡信也。

卷二百三

治平元年十一月己卯韓琦曰向以黎樞叛命太宗遣將討伐案樞宋史作桓十二月丙午內侍省押班副使王昭明爲環慶路鈐轄原本脫明字據宋史增。

卷二百四

治平二年正月壬午司馬光言兵多而不精則衣糧難贍原本脫不字據傳家集增。

二月辛丑龍圖閣學士工部侍郎呂光弼權三司使案呂光弼此時已不爲龍圖閣學士工部侍郎又云至和初已爲三司使皆與宋史不合。

癸卯王疇卒享壽類其父灤云案宋史疇父名博文灤別有傳此誤。

卷二百五

治平二年二月癸亥蔡抗兼起居舍人原本蔡訛呂據宋史改。

卷二百六

治平二年八月辛卯司馬光上疏或非材而驟進或有罪而見寬天下所以重失望也原本重失二字互倒據傳家集改。

呂大防言雨水爲患此陰乘陽之沴也原本乘訛盛據名臣奏議改。

十一月壬申祀天地于圜丘呂公著攝太僕卿參乘原本乘訛政據宋史改。

卷二百七

治平三年正月壬申翰林學士給事中知制誥范鎮爲翰林侍讀學士集賢殿修撰知陳州案范鎮此時不爲知制誥亦不兼給事中與宋史異。

三月辛巳彗晉見于昴案晉宋史作晨與此異。

卷二百八

治平三年八月己亥呂公著知蔡州原本蔡訛蘭據宋史改。

十一月己巳司馬光奏連年大水漂沒廬田原本年訛月據傳家集改。

卷二百九

治平四年正月戊午大赦除常赦所不原者案宋史作赦天下常赦所不原者與此異。

三月劉庠劾歐陽修上欲誅修以密詔問孫思恭案宋史云神宗初卽位欲深護修此云欲誅修恐未可信與宋史亦不合。

壬申歐陽修爲刑部郎中案宋史作刑部尚書與此互異。

卷二百十二

神宗熙寧三年六月乙亥韓縵言晉州神虎副指揮使嚴訓康定中戍豐州城陷遇害乞錄其子孫從之案宋史不載嚴訓事。

卷二百十三

熙寧三年七月壬辰罷置潞州交子務案宋史作置潞州交子務或係史訛丙申以四州義勇分五番番三千人案宋史脫一番字誤。

卷二百十四

熙寧三年八月己卯斬李信劉甫案宋史誤爲夏人犯大順城時事當以此書爲確。

卷二百三十二

熙寧五年四月丙寅上以樞密諸房案牘煩委胥吏多不得人因命都承旨李評立法參補流外選人原本評訛詳據宋史改。

卷二百三十四

熙寧五年六月壬子司封郎中謝景初追兩官原本景訛京據宋史改。

卷二百四十

熙寧五年十二月戊辰奉旨詳定僖祖祧遷楊傑議曰祭感生帝還以始祖配之原本感生訛所感據宋史改。

卷二百四十六

熙寧六年八月庚寅熙河路奏王韶自露骨山過一日至五七下馬步行王安石對曰韶因援河州略定南山一帶乃是奕棋一著應三兩著之類也原本脫南字據王韶傳增。

卷二百四十九

熙寧七年正月壬戌賜知鳳翔府蘇袞獎諭敕書原本鳳翔訛秦鳳據宋史改。

卷二百五十

熙寧七年二月庚午昌王顥嘉王顥言皇子已授節藩開府置官不可不備原本昌王顥作岐王案宋史

作吳王。吳王乃係徽宗時改封。當神宗時。曾封祁國公東陽郡王。又進封昌王。並無岐王之稱。今據改。

卷二百五十三

熙寧七年五月壬子。贈包約爲忠州刺史。約蕃官也。初從景思立河州戰沒。原本脫思字。據宋史改。  
卷二百六十二  
熙寧八年四月戊子。詔北京澶定州封椿糧草。韓縝已定。日於西涇與蕭素梁穎相見。原本素訛索。據宋史改。

卷二百六十八

熙寧八年九月戊辰。以封州刺史仲來襲封魏國公。注仲來誰子。案宋史宗室傳載仲來係漢恭憲王元佐庶長孫宗立子。

卷二百七十三

熙寧九年二月辛丑。廣南西路經略司以蘇緘死事聞。詔贈緘奉國軍節度使。案宋史神宗本紀作正月辛巳。與此異。

卷二百七十四

熙寧九年四月辛卯。遼王遣耶律庶篴來賀同天節。案篴宋史作幾。與此異。

卷二百七十九

熙寧九年十二月癸未詔自今市易務提舉官依舊二年一取旨麻縑竹篾之類更不買原本縑訛榮據說文及周禮改篾訛蔑據顧命疏改

辛丑御史中丞鄒潤甫等言唐自睿宗以前未嘗以將帥屬中人至明皇稍委近習會安南蠻渠梅叔鸞叛而楊思昂請行遂許之原本叔訛升昂避宋嫌名作勉並據唐書改

卷二百八十一

熙寧十年三月戊午詔著作佐郎前崇文院校書張載歸館供職以呂大防請召還故有是詔案綱目云載自崇文歸與諸生講學呂大防薦之召同知太常禮院此云歸館供職秋七月乙卯始書其兼知太常禮院與綱目異

卷二百八十四

熙寧十年九月己酉詔東自信安保定軍雄霸莫州西至順安塘灤民有漁船者並蠲其日納錢原本順安訛安安據宋史地理志改

卷二百八十五

熙寧十年十月戊子特詔王安石治江寧注豫國夫人之弟吳生者來省荆公原本弟訛第又使人白遣吳生原本白訛曰並據東軒筆錄改又遂杖二皂案杖東軒筆錄作挾非

卷二百九十三

元豐元年十月辛酉詔孫頤候會合諸處兵甲賈勇而前原本頤訛頤據宋史改。

卷二百九十四

元豐元年十一月壬申詳定禮文所言郊祀壇城當依儀注撤去青繩原本繩訛蠅據宋史禮志改。

卷二百九十五

元豐元年十二月甲子婉儀邢氏進封賢妃原本邢訛刑今改。

卷二百九十七

元豐元年四月甲子知審刑院安燾言天下奏案視十年前增倍原本燾訛烹據宋史改。

卷三百

元豐二年九月癸卯詳定禮文所言乞廣田千畝爲藉田引惠民蔡河水灌其中冬則藏水原本藏訛放。

據宋史改。

卷三百一

元豐二年十一月癸巳詔開封府界教大保長充教頭注以大保長十人充教五分其丁以其一爲騎三爲弓三爲弩原本丁訛可據宋史兵志改。

卷三百二

元豐三年正月庚戌詳定禮文所言血是告幽之物毛是告全之物原本告全訛生全據禮記注疏改。

卷三百四

元豐三年正月甲子詳定禮文所言明堂修二七原本二訛七據考工記改又望郊之細也原本細訛屬據左傳改

卷三百五

元豐三年六月庚子詳定禮文所言笏惟天子以球玉爲之乞朝廷揆玉之有無制之原本制之二字互倒據宋史輿服志改

卷三百六

元豐三年七月甲子詔廣武雄武上下埽可速遣陳祐甫往視原本作廣武上下雄武埽按宋史河渠志作上下埽今據改

卷三百七

元豐三年八月丙申中書主事周溫降一資原本事訛書據宋史職官志改

元豐三年九月乙亥詳定官制所上以階易官寄祿新格注中散大夫七歲乃遷朝議大夫以十七員爲額原本七十訛十七據宋史改

乙酉詔卽景靈宮作十一殿案宋史禮志作景靈官在元豐五年與此異

丁亥詔改知外都水丞南北司公事爲知南北外都水丞原本南北外訛內北外據宋史職官志改

戊子詔凡弓箭手兵騎各以五十人爲隊案五十人宋史兵志作十人與此不同

卷三百九

元豐三年閏九月丙寅呂惠卿丁憂奉旨本俸外月特給錢五千惠卿月支請添支錢十五千案宋史載此條云於本俸外特給五萬惠卿請添支萬五千與此不同

卷三百十一

元豐四年三月甲寅正議大夫薛向卒注劉述錢顥等言向不可爲大吏原本述訛迷顥訛愷據宋史改

卷三百十五

元豐四年八月己巳詔白馬縣復爲滑州注以白馬韋城胙城三縣隸開封原本胙訛昨據宋史地理志改

卷三百二十五

元豐五年四月戊寅詔六曹尙書注李德芻歎歎子云原本歎訛敬案李德芻作歎歎子今據改

卷三百二十六

元豐五年五月甲午吏部尙書李清臣言今月壬辰賀僕射上尙書省百官方就班臺吏相繼趨臣等就列原本脫賀僕射三字案宋史禮志有賀僕射上尙書禮今據補

卷三百三十一

元豐五年十一月癸未朝享景靈宮。注皇太后親詣酌獻祝文。鄭鄖溪集。原本溪訛漢案宋藝文志鄭獮有鄖溪集今改。

十二月庚申先是劉摯等使敵原本摯訛贊據宋史改。

卷三百三十二

元豐六年正月己丑層檀貢方物有薰陸千年棗原本薰訛董年訛缶據宋史層檀國傳改。

卷三百三十六

元豐六年閏六月壬辰皇第九子佖爲山南東道節度使原本佖訛秘據宋史改。

卷三百五十二

元豐八年三月甲午注神宗服藥手寫佛經三卷祈福案韓宗武記云簾內出經兩卷一消災一延壽與此云三卷互異。

卷三百五十三

元豐八年三月戊戌注紹聖史官簽貼云云案此條所引紹聖史官之說極譽神宗之信用王安石謂其立政造令能法先王而於韓琦富弼諸正人皆加以貶詞蓋紹聖間修神宗實錄皆出自王安石黨與李徽徵引諸說不加駁辨亦非史法。

卷三百五十六

元豐八年五月乙未注舊錄云云案此條於哲宗卽位時直言諸臣概目爲誣謗詆訕殊失是非之公蓋哲宗舊實錄皆安石餘黨所修故于言新法不便者必加以誣貶乃羣邪醜正之詞不足爲據

卷三百六十二

元豐八年十二月乙丑夏國遣人入貢案宋史哲宗紀夏國入貢在丙寅茲繫之乙丑或別有所據姑仍原文

卷三百七十二

哲宗元祐元年三月丁丑劉蕡言用賢則如轉石去佞則如拔山原本轉石訛反汗據漢書改

卷三百七十四

元祐元年四月癸巳王安石卒注深懲在列曲恕元台原本懲訛故恕訛怒據尊堯集改

卷三百八十六

元祐元年八月己酉蘇轍言乞令汴口以東每歲有無除放二稅仍具水櫃之可與不可廢罷原本脫櫃字據宋史補

卷三百九十

元祐元年十月癸丑呂陶言十一事其六乞復成都府犀浦綿州西昌陵井監貴平等縣使民戶力役均平原本井訛并據宋史改

卷三百九十四

元祐二年正月庚午蘇軾言竊鉄而知心目之可亂投杼而知母子之可疑原本竊訛竊據呂氏春秋改。

卷三百九十八

元祐二年四月丁酉右司郎中杜絃原本絃訛絃據宋史改。

卷四百二

元祐二年六月甲申夏國結屬羌爲內應凡受其要約者以壘本族蕃塔爲驗原本蕃塔訛墳塔據曾布  
目錄改

卷四百三

元祐二年七月乙丑呂陶上疏論朋黨曰昔劉崇魯哭李磎白麻者爲詔崔昭緯也原本劉崇魯作劉栖  
楚據李磎傳改

卷四百六

元祐二年十月丙午左司員外郎朱光庭爲太常少卿注右正言丁隲原本隲訛隙據宋史改。

卷四百七

元祐二年十一月丙寅大雪據宋史大雪係乙亥日與此異。

十二月庚子朝奉郎仇伯玉原本仇伯玉訛王玉據宋史改。

卷四百九

元祐三年三月甲戌，井亮采知滑州。亮采前自京東路轉運判官徙河東。原本河東訛京東案。亮采自京東徙河東注。既云爲京東運判在八年四月，則二年九月之徙河東無疑。今據改。

卷四百十

元祐三年五月丁未，劉安世言歐陽棐與程頤、畢仲游、孫朴、陽國寶輩交結執政，號爲死黨。原本頤訛熙。案劉光世前後彈頤凡數章，並見長編。詆訾不遺餘力。而安世及頤傳並無之。蓋史爲安世諱也。是時又無程熙。今據改。

卷四百十三

元祐三年八月己卯，劉安世言小臣之論至于五六而猶不能勝。原本脫勝字據歷代名臣奏議增。又程頤、畢仲游、楊國寶、歐陽棐、孫朴五人者獨被惡聲。案是時洛蜀二黨互相詆訾。劉安世早年亦深疾程氏，故斥爲五鬼之首。其言未足爲信。

卷四百十四

元祐三年九月壬申，劉安世言胡宗愈身備從官。原本脫從官二字據歷代名臣奏議增。

卷四百十五

元祐三年十月己丑，王覲言胡宗愈原本覲訛覲。今據宋史改。

戊戌詔黃河未復故道終爲河北之患案宋史河渠志載是詔及范純仁王存奏疏皆在六月與此小異庚子王存留身奏曰云云案宋史河渠志載王存等奏係六月庚子與此異

卷四百十八

元祐三年十二月丙戌詔刊神宗皇帝舉御史詔于御史臺原本神訖祖據宋史改

卷四百二十三

元祐四年三月壬申王彭年言案開寶禮鬱鬯醴齊惟親祠侍中贊酌之遣官行事則太尉親酌之開元禮亦然原本開寶訖開元今改

卷四百二十五

元祐四年四月戊申陳佑之爲河北路轉運判官原本陳訖程據宋史改

卷四百二十六

元祐四年五月辛未范祖禹上言四海之廣萬民之衆失之至易安之至難原本脫安之至難四字據歷代名臣奏議增

戊寅蔡確上言李賀有天上謠云海塵新生石山下原本山訖中據李賀集改

卷四百三十二

元祐四年八月甲寅李常罷新除兵部尙書改知鄧州原本鄧訖鄆案李常于五月坐不言蔡確罷新除

兵部尙書改知鄧州並未知鄆州今據改。

卷四百三十三

元祐四年九月己巳左班殿直士益爲右千牛衛大將軍燕國公原本益訛香考宋史宗室表士香官通議大夫此書于本年四月甲寅亦書通議大夫士香由監門衛大將軍轉文資此月不得更稱左班殿直又宗室表有燕國公士益與此正合今據改。

卷四百三十六

元祐四年十二月甲子梁灝言臣嘗求當世之急務得導洛通汴之寃原本導洛訛得諸道路又竊以開路之役其功甚小原本以訛聞洛訛治又伏望出臣前章詔大臣與本監及知水事者先具圖說原本水訛本並據宋史改。

卷四百四十三

元祐五年五月壬辰令杭州開西湖先是湖上葑田積二十五萬餘丈連河失湖水之利原本湖水訛湖中據宋史河渠志改。

卷四百四十三

元祐五年六月庚戌宣政使榮州團練使劉有方爲宣慶使原本團練訛團諫據宋史改。

卷四百四十四

元祐五年六月辛酉，權戶部侍郎韓宗道爲刑部侍郎。原本宗訛琦考宋史無韓琦道，惟有韓綜之子名宗道，據後十月己未刑部侍郎韓宗道爲寶文閣待詔，則此爲宗道無疑。今據改。

卷四百七十三

元祐七年五月丙午，王巖叟爲端明殿學士。原本殿訛大據宋史改。

卷四百八十六

紹聖四年四月丁未，曾布論王珪持兩端注楚王顥以紹聖二年自冀改楚。原本顥訛願據宋史宗室傳改。

卷四百九十九

元符元年六月戊子，上問宰執親戚爲誰。布曰：向子莘是臣壻。原本莘訛萃據宋史改。

卷五百二十

元符三年正月戊子，嗣濮王宗漢爲寧江節度使。原本濮訛漢據宋史改。

